

Poldi Lomahidok pepa youyemguk

Yodakale Mede

Poldi pepa noli youkuk adi ne yaunja Jesu Kilisto'walaŋ Mede Momoon yohautaune metamdi nadiŋa wele tubutakale tiŋa Jesu'walaŋ kayonbop tigiŋ aditok youyemguk. Eŋ pepa yoŋ adi Loma yokwet wapumneŋ Jesu'walaŋ kayonbop hatigiŋdok youyemguk. Jesu'walaŋ kayonbop u nediyer kwanaineune mintagak u mu nadiyam. Aposel hekidibe, be metam noli Jelusalemhi Jesu nadisukilitigiŋ adi'walahidi, Loma yokwet wapumneŋ wooŋ hatiŋa Jesu Kilisto'walaŋ Mede Momoon yohautaune nadiŋa nadisukilitiŋa Jesu'walaŋ kayonbop tigiŋ aditok youyemguk, unduŋ kayam. Ala uŋoŋ wooŋ hatihatyer yokwet gitipmuŋneŋ Sipein kwetneŋ Jesu Kilisto'walaŋ Mede Momoon uŋoŋbo yohautadok ulune kasop ulihimindok nadihebet tiŋa youyemguk. Ale indiy kayam. Poldi pepa i youkuk adi metam Jesu Kilisto nadisukiliti-miyamdi Jesu adi biyagoŋ hinek indi'walaŋ Tubulodanik unduŋ u welenikdi fuliŋgoŋ hinek nadisukilitidok youkuk.

Tiŋa undugoŋ Jesu'walaŋ Mede Momoon di ninindakaleune nadisukiliti talik foloŋ Bepaŋ dut welekubugoŋ hinek tiyam wondok momoon hinek ninindakaleen youkuk unduŋ kayam (Fiye 1.17).

Agar mede mebi niŋ indiy kameeŋ yodakaleguk. “Bepaŋ di metam Judahi'walaŋ fekhinit mokit indi ninigila nibukahileune netok gigit tugumun.” Woŋadi Bepaŋ di hebet indiy kameune mintagak. Adi Judame noli welehiŋ tubulodaune Jesu Tubulodanik u kakiyondaan welehiŋdi fuliŋgoŋ hinek nadisukilitimiŋgiŋ, eŋ Judahi noli adi welekwambuŋ tiŋa Jesu Tubulodahik sigilulum timiŋgiŋ. Judahi adi unduŋ tubune Bepaŋ di metam fekhinit mokit indi Jesu Tubulodanik fuliŋgoŋ nadisukilitiminene ninigila beŋa Judahi welekwambuŋ tigiŋ'walaŋ kwehikoŋ gineŋ nipmeŋdok unduŋ tuguk. Kaŋ indiy u miŋgoŋ mintadakalelak. Fekhinitbe, be fekhinit mokit, indi wanakan Jesu adi Tubulodanik fuliŋgoŋ nadisukilitiminene Bepaŋ di nibukahileen nihiyoutewalandaan netok gigit ninilak (Fiye 5-8).

Lomahi'walaŋ pepa yendiniŋ mede daŋiniŋ:

1. Fiye 1-8 Yesu Kilisto nadisukilitimiŋa yomnit mokit titiŋdok
2. Fiye 9-11 Yudame be Yudahi'walaŋ feknit mokit Kilistonik kubugoŋ
3. Fiye 12-16 Welenikdi kifolok tiŋa Wapum'walaŋ metam hatidok

Poldi Jesu diniŋ mebi Lomahidok youyemguk

1 ¹Pol, nu Jesu Kilisto'walaŋ tipilapilaye-me, Wapum ne aposel kwanai tibaat yoŋa naniŋguk. Tiŋa Bepaŋ'walaŋ Mede Momooŋ u yohautawene hautadok nehitubu-dakaleeŋ napmeguk. ²Biyagoŋ hinek kuyoŋ, Bepaŋ'walaŋ Mede Momooŋ uŋakoŋ mintadok Bepaŋdi koomkwaha polofet yehitubu-lodaune gigitmede u Youkudip Mede gineŋ youkiŋ. ³Ala u youkiŋ wondi Mihiniŋ'walaŋkade folooŋnit tuguk. Tiŋa undugoŋ folonamandapnit mintaminta adi Dewit'walaŋ yalakiŋiye gineŋ mintaguk. ⁴Tiŋa Bepaŋdi kumuŋ gineniŋ tubukaikaŋ tubupilakuk nai uŋaniŋ Uŋgoŋiŋ Munabulidi indiiŋ ninimbihikuk. Adi yadi Bepaŋ'walaŋ Mihiniŋ saŋiniŋnit. Adi Jesu Kilisto, Wapumnik.^a

⁵Adigoŋ siloŋ tobogoŋ tinamuŋa aposel kwanai titiŋdok napmeguk. Kaŋ adi wou foloŋ kwetkwet metam Bepaŋ'walaŋ medeŋiŋ yenimbene nadisukilitiŋa takaliune Jesu'walaŋ wougigitdi hautadok naniŋguk. ⁶Unduŋ doktiŋa hidi maŋ undugoŋ Jesu Kilisto'walaŋ metamŋiye titiŋdok hanihehimaneguk. Ale wendiniŋ kwanai u hidi'walaŋkade maŋ titiŋdok naniŋguk. ⁷Lomahi, hidi Bepaŋdi wapmihiniŋiye hatidok habukahileguk tiŋa didimeniŋgoŋ hatidok hanilak, doktiŋa hiditok-ku pepa i youhamulat.

Betnik Bepaŋ eŋ Wapumnik Jesu Kilisto adi'walaaniŋ siloŋ tobogoŋ be kulemadi hidi'walaŋkade haliwooŋ hatuwaak.

Lomahidi Bepaŋ'walaŋ mede nadisukilitiŋiŋ

⁸Bepaŋ'walaŋ mede nadisukilitiŋiŋ doktiŋa mede kahathikdi kwetkwet hautaune nadiune utumbalak. Unduŋ doktiŋa Jesu foloŋ ulodiŋa hiditok Bepaŋne niutumba tilat. ⁹Tiŋa nu mihiniŋiŋ diniŋ Mede Momooŋ yoŋjila welenedi Bepaŋ kwanaiŋiŋ tibene mebine nadilak doktiŋa adi'walaŋ namanda foloŋ biyagoŋ hinek hanimbe nadineŋ. Nu helemahemaŋ adi ninadilat tuwolit hiditok maŋ nadisuŋa ninadilat, ¹⁰tiŋa Bepaŋdi nadiune tuwot tubune talik tubumintanambune hidi'walaŋkade uuŋdok hati ninadilat. ¹¹Nu adi hidi habudok mohineŋ nadilat. Tiŋa Munabuli diniŋ siloŋ momooŋ tihamuŋa hehiulihiwene kwambundaŋ yayatdok yolat. ¹²Adi indiiŋ yobe, nu usuwaŋ habene nadisukilitinik diniŋ folooŋ kiyonadi tiŋa kiulihitineem. ¹³Tiŋa notneye, mebine mu

^a 1:4 Gilik mededi dakale hinek mu tilak doktiŋa tali lufom gineŋ youkam. Niŋ wahin hatak. Eŋ noli indiiŋ: Tiŋa adi wele tubuwalanda Munabulinit doktiŋa Bepaŋ'walaŋ mihiniŋiŋ hatilak. Wendiniŋ mebi kumuŋ gineniŋ saŋiniŋnit kaikaŋ pilalune miŋgoŋ mintadakaleguk. Adi adi Jesu Kilisto, Wapumnik.

nadineenerj ale indij hanimbe. Nu metam bop noli dut tilat undugon hidi'walaŋkade maanj wooŋ Bepaŋ'walaŋ Mede Momoonj kwanai diniŋ foloonj tubumintadok helemahemaŋ yolat. Tiŋa agaŋ uunđok hinek tubudulaluwene kwanai nolidi nehitehiune hatilat. ¹⁴Tiŋa nu Bepaŋ negoŋ metam u be u, Gilikhi be Gilikhi moŋ, nadinadihinit be nadinadihinit mokit, kaulehi wanakaŋ Bepaŋ ne'walaŋ Mede Momoonđi yehitubu-lodadok naniŋguk. ¹⁵Unduŋ doktiŋa Loma kwetneŋ hatiŋj hidi Bepaŋ'walaŋ Mede Momoonj hanihautadok walanedi loda hinek tilak.

Nadisukilitinit tiŋa hatihati kahiledok

¹⁶Nu Mede Momoonj yohautadok meka mu tilat, maŋgoŋde uyadi Bepaŋ ne'walaŋ saŋiniŋ. Eŋ saŋiniŋ wendigon nadisukiliti metam yanagilaak. Koomkoom Judahi metam, agaŋ mindaŋkade metam noli. ¹⁷Biyagoŋ kuyoŋ, Mede Momoonđi Bepaŋ'walaŋ titiŋ didimeniŋ tubumintalak. Bepaŋđi metam nadisukilitihinit'walaŋ kadakanijhik tumolokuyembune ne'walaŋ namanda foloŋ metam didimehi mintaiŋ. Youkudip Mede niŋ indij hatak: Nadisukiliti tubune Bepaŋđi me didimeniŋ nindapmaguk adi kedem hatihati fafaŋeniŋ kahilewaak.

Bepaŋ'walaŋ kwihita miŋgoŋ mintalak

¹⁸Indi agaŋ nadiyam. Metam Bepaŋ sigilulum timiŋa kadakanij tiŋj adi'walaŋ kadakanijđi mede biyagoŋ ulatifolak doktiŋa Bepaŋ adi kunum gineŋ hali metam sigilulum timiŋj u yabuŋa kwihitaŋiŋ miŋgoŋ tubumintalak. ¹⁹Adi ne mebiŋiŋ taŋakiyeyembune welehiŋ gineŋ kedem nadidok iŋgoŋ unduŋ tiŋj. ²⁰Metam adi Bepaŋ mu kaiŋ, ala kwet tubumintaŋj wendok foloŋ nemek mebimebi boiguk wendi saŋiniŋiŋj kwambumuŋj be kudiŋiŋj tubumintaune kedem kaŋ nadidakaleiŋ. Unduŋ doktiŋa nebek niŋđi Bepaŋ namanda foloŋ indij tuwot mu yobaak, "Nu Bepaŋ mu nadimiŋgut doktiŋa nu adi yomnit mokit." ²¹Adi yadi Bepaŋ hatilak u nadikabeleŋ nadimimbune mu hatilak nabugoŋ tubune gikiŋgoŋj mu timiŋa nemek momoonj tiyemuluguk wendok welemomoonj mu nadimiŋgiŋj, mokoŋ. Adi yadi yofifile mebimebi tubumintaŋj welehiŋ filune mambipdi yehitumukuk. ²²Unduŋ tiŋa, inde nadinadinit hatiyam yogiŋ iŋgoŋj adi yadi kaulehi. ²³Unduŋ tiŋa Bepaŋ Hatihatinit adi gikiŋgoŋj mu timiŋa, meeniŋj be bagi be kale be miŋgembet eŋ nemek fiili wendiniŋj welewele tutumbaŋj boiŋa gikiŋgoŋj tiyemgiŋj.

Metam kadakanijhik doktiŋa Bepaŋđi biyabulak

²⁴Unduŋ tubune Bepaŋđi yabukwihitaŋj biyabune welehiŋkdi siloda kadakanij kisaŋ tiŋa nemek madimadikeŋgoŋj tiŋila sigihik kisaŋ tubukadakagiŋj. ²⁵Adi Bepaŋ'walaŋ mede biyagoŋ sigilulum timiŋa yalaŋ-me'walaŋkade ulodigiŋj. Unduŋ tiŋa Molom, yehitubu-minta tuguk,

kelekula nemek Bepaŋdi yehitubu-mintaguk u gikiŋgoŋ tiyemiŋa aditok tipilapilaye tiyemgiŋ. Bepaŋ nemenemek hogohogok tubumintadapmaguk adi yadi meeniŋ indi helemahelman niutumbaaŋ nintiloloŋ tinene tuwot tibek. U biyagoŋ.

²⁶Biyagoŋ kuyoŋ, metam adi Bepaŋ sigilulum timiŋgiŋ doktiŋa kibibo sigilulum tiyembune siloda kadakaniiŋ tubumintagiŋ. Unduŋ tiŋa tamwoi adi Bepaŋdi hekimalam tiŋa me dut titiŋdok yodakaleguk u tubufila mu titiŋdok hatak u tigiŋ. ²⁷Kaŋ mewoi adi maŋ undugoŋ, hekimalam tiŋa tam dut titiŋdok u bikabuŋa welehiŋ gineŋ silodadi kudup wele daune me nehigoŋ nemek madimadikeŋgoŋ mu titiŋ hinek u tigiŋ. Unduŋ doktiŋa tifiŋlehiŋdok kibikoŋ welehiŋ be sigihik foloŋ folofigita mintayemguk. ²⁸Biyagoŋ kuyoŋ, adi Bepaŋ'walaŋ mebi nadikabeleŋ nadihaŋjinda timimbune adibo tabayembune nadinadihiŋ kauleune nemek mu titiŋdok u tiŋ. ²⁹Tiŋa nemek hogolihogoli mebimebi u ugamali bopneiŋ. Kadakaniiŋ tiŋ be metam noli'walaŋ bomboŋhiŋ yabusilodaiŋ, koŋgolondaŋgoŋ tiŋ, eŋ siloda kadakaniiŋ, be mikkwadi, kikakwihita metam noli folofigita yemfit, meeniŋ udihikumun, be kwihitafit, be yokamanda tiŋa metam noli'walaŋ bomboŋ yolom moŋgot, be me yeniwoliwolikefit, ³⁰be yalaŋ yoŋa metam noli'walaŋ wohiye tubukadafit, eŋ Bepaŋ memik timiiŋ, me wapuhi yabulakataŋ gikiŋgoŋ mu tiyemiŋa titaboloŋet tiŋa sigitiŋalo tiŋa nehi'walaŋ wohik hogok tiŋalooŋ youtumbaiŋ. Unduŋ tiŋa kadakaniiŋ gitipmun titiŋdok nadisu tubumintaiŋ. Eŋ mehim-behiye'walaŋ mede wobu tiŋ. ³¹Adi adi nadinadihinit mokit, nadisukilitihinit mokit, welehinit mokit, bulaniŋgoŋ mu nadiiŋ.

³²Bepaŋ'walaŋ Yodoko Mede didimeniŋdi indiŋ yolak. Metam kadakaniiŋ indii tiŋ adi yadi kumuŋdok gigit. Metam undiŋi adi Yodoko Mede u agaŋ nadihinaka tiŋ. Iŋgoŋ oŋ, u nadikabeleŋ kadakaniiŋ mebimebi tiŋ. Tiŋa kadakaniiŋ u hogok mu tiŋ. Moŋ. Adi yadi nohiye nediyeŋ kadakaniiŋ tiŋ adi'walaŋ wohiye yenintiŋalooŋ yeniutumbaŋ.

Bepaŋ adi mede nadinadi didimeniŋgoŋ tibaak

2 ¹Unduŋ doktiŋa me du dediiŋ tiŋa da'niŋ mebige yokufulawen? Biyagoŋ hinek kuyoŋ, me nolidi yom tubune nadiune tuwot mu tubune nadikadakayemiŋila da'walaŋ mebige uŋaniŋgoŋ tubumintalaŋ. Nadikadaka tiyemilaŋ da maŋ unduŋ kuŋgoŋ tilaŋ alegoŋ. ²Ale Bepaŋ adi me unduŋ tiŋ kibikoŋ tubu-udaneyembune utumba hinek tilak, unduku nadiyam oŋ. ³Me du noli'walaŋ yom mede yoŋila da maŋ uŋakoŋ tilaŋ. Unduŋ tiŋa indiŋ nobu yobaneŋ ala. Nu adi "Bepaŋdi yahenambaak" unduŋ nobu yogene! ⁴Be du Wapumdi welekulema be kulema wapum hinek tigamuŋa yahehewe gambune du maŋgande nadilakataŋ nadikabekabele tiŋa hati tilaŋ?

Du walage tubutakaleweŋ yoŋa Bepaŋdi welekulema tigamulak u du mube nadilaŋ? ⁵Du welekwambuŋ tiŋa walage mu tubutakaleeŋ kudup diyout hati tigene tinadahiune kudup fafaŋeniŋ dadaŋ nai foloŋ Bepaŋ'walaŋ mede fafaŋeniŋ eŋ mede didimeniŋ yodapmawaak, nai uŋaniŋ mebige dakaleune, gehidakumumbaak. ⁶Biyagoŋ hinek kuyoŋ, Bepaŋ adi titiŋnikdok tuwolit tuwanik nimbaak. ⁷Me tubuloda kwanai didimeniŋgoŋ tiŋa wougigit hautanit be hatihati momooŋ hinek tubumintadok gigne tineeŋ adi yadi hatihati fafaŋeniŋ yembaak. ⁸Eŋ me wombunolohi mede folooŋ hinek liliwenekula nemek hogohi moŋgohatiŋ eŋ nehitoŋ hogok nadiiŋ, adi yadi Bepaŋ'walaŋ kwihitadi adi foloŋ looŋ halaak. ⁹Kaŋ kadakaniiŋ titiŋ hogohogok, Judame eŋ metam noli wanakaŋ, folofigita nadineeŋ eŋ munta kisaŋ tineeŋ. ¹⁰Didimeniŋ hatineeŋ hogohogok, Judame be metam noli wanakaŋ, adi wougigit hautanit eŋ kulema yemiŋa yeniutumbawaak. ¹¹Bepaŋ adi wooŋgaliŋ buŋgaliŋ mu halimilak.

Yodoko Mede nadiŋa tagimneeŋ adi yadi didimehi

¹²Metam Yodoko Medenit mokit hatiŋa kadakaniiŋ tiŋiŋ adi hogohogok adi Yodoko Medenit mokit kadakadapmaneeŋ. Kaŋ Yodoko Medenit hatiŋila kadakaniiŋ tiŋiŋ hogohogok adi Bepaŋne Yodoko Mededi yolak wendok tuwot medehik yenindapmawaak. ¹³Yodoko Mede magihikdi hogok nadiiŋ adi Bepaŋdi yabune ne'walaŋ namanda foloŋ didimehi mu tiŋiŋ. Nadiŋa tagimneeŋ adigili ne'walaŋ namanda foloŋ didimehi tiŋiŋ. ¹⁴(Metam Judahi'walaŋ feknit mokit Yodoko Mede mu yenimbihiliŋiŋ adi nehi welehiŋkdi nadiŋa Yodoko Mede tagimneeŋ Yodoko Medenit mokitdi Yodoko Medehiniŋ dabugoŋ tiŋiŋ. ¹⁵Adi unduŋ tubune Yodoko Mede u adi'walaŋ welehiŋk gineŋ youkiŋ hatak wendiniŋ mebi mintadakalelak. Yodoko Mede u welehiŋk gineŋ youkiŋ doktiŋa welehiŋkdi yeniŋgiginelak. Tiŋa nadisuhikdi undubo nadiiŋ undubo nadiiŋ tiŋila fukuŋiŋkade yenihep tiŋa fukuŋiŋ yeniŋkulema tilak.) ¹⁶Nemenemek u nai wapum foloŋ mintawaak. Nai uŋaniŋ Bepaŋdi Kilisto Jesu nimbune welenik gineŋ nemek kabup hebihatak wendiniŋ mebi miŋgoŋ yohautawaak. Biyagoŋ kuyoŋ, nu Bepaŋ'walaŋ Mede Momooŋ yolat wendok tuwolit tubumintawaak.

Bepaŋ'walaŋ gigitmede wahiwaŋiŋgoŋ mu moŋgo hatidok

¹⁷Du datok 'nu Judame' yoŋa Yodoko Mededi mebiuloloŋ kameeŋ deihatilaŋ, tiŋa 'nu Bepaŋ'walaŋ mebi nadilat' yoŋa sigitiŋalo tihatilaŋ, ¹⁸du Bepaŋ'walaŋ mede nadilaŋ iŋgoŋ oŋ, du Yodoko Mede agaŋ ganindidimeŋit doktiŋa, i kedem titiŋdok eŋ i mu titiŋdok u nadidakalelaŋ. ¹⁹Tiŋa datok indiŋ yolaŋ, nu metam dauhipmik kedem yenindidimeeŋ yanagitat, eŋ mambip gineŋ hatiŋiŋ adi maŋaŋ hautadi

kedem tubuhautayemilat, ²⁰en metam welehik gweheyehi adi maan kedem yeninikilitilat, en nadinadihikdok nadiune kambangit tilak adi kedem yenindidimelat, en nu Yodoko Medenit doktiņa nadinadi be mede foloon wendiniņ kobumuņ kahileen moņgo hatilat. ²¹Du unduņ yolaņ iņgoņ oņ! du metam noli Yodoko Mede yenindidimeņila da'walaņ walage mu nindidimelaņ! Du metam kubo mu titiņdok yeninila, da kubo tihatilaņ! ²²Hekimalam kefile mu titiņdok yeninila da kefile tilaņ! Du bepaņ yalayaļa yenisuwambat tilaņ, iņgoņ bepaņ yalayaļa'walaņ silonyot diniņ nemenemek kubo moņgotañ! ²³Du Yodoko Mededok nadiņa da'niņ nadinadigedok nadiune loloņ tilakdi Yodoko Mede lahulaņa Bepaņ figifigi timihatilaņ. ²⁴Uņalegoņ tiņa indin youkiņ. Metam Judahi'walaņ feknit mokit adi hidi'walaņ yom doktiņa Bepaņ niņkadakaņ.

Munabuli diniņ fek metam welehik maaneņ halune foloon yodok

²⁵Du sigige foloņ Judahi'walaņ fek tiņit doktiņa Yodoko Mede tagimneune foloonnit tibaak. En Yodoko Mede u wobaañ adi sigige foloņ fek tiņit u foloonnit mokit tibaak. ²⁶Tiņa mede u fukuniņ, indin maan hatak. Me niņ feknit mokitdi Yodoko Mede tagimneeņ feknit dabugoņ tibaak. ²⁷Tiņa feknit mokit mintaan hatilakdi Yodoko Mededok kwanai tibaak adi'walaņ mebiņiņ yodakalewaak. Biyagoņ hinek kuyoņ, Bepaņ'walaņ Youkudip Medenit en feknit hatiņila Yodoko Mede tubukadaka hatilaņ, du'walaņ mebiga yodakalewaak. ²⁸Nebek niņ adi sigiņdi Judame welewele hatibaak adi yadi Judame hinek mu hatibaak. Tiņa undugoņ, sigiņ gitnem diki foloņ hogok dobumiņgiņdi Judame hinek mu hatibaak. ²⁹Welehikdi Judame foloon hatihati wendi Judame hinek. En sigihikdi Yodoko Mede diniņ fek moņgo hatihati wendi foloon mu tilak, adi welehik maaneņ Munabuli diniņ fek moņgola hatihati wendi foloon. Metam undihi adi meeniņdi mu nadiyembune utumbawaak, moņ, adi Bepaņ ne nadiyembune utumbawaak.

Indi'walaņ titiņnik kadakaniņdi Bepaņ'walaņ mede mu ulatifolak

3 ¹Kei, unduņ ale Judame adi metam Judahi'walaņ feknit mokit dut tuwolit kubugoņ be tiin, en sigihik foloņ fek tigiņ u nemek foloonnit mokit be? ²Unduņ moņ. Juda metam adi nemek fee yemiņit. Biyagoņ hinek kuyoņ, adi Bepaņdi ne'walaņ yofafaņa medeņiņ hogohogok yenimbune adi wendiniņ molom tigiņ. ³Kaņ dedin? Judame noli adi mede yofafaņa tigiņ iņgoņ mu takaligiņ doktiņa indin be yodok? “Adi mu takaligiņ doktiņa Bepaņdi maan mede yofafaņa tuguk u tuwot mube takaliwaak?” ⁴Mokoņ hinek. Bepaņ adi ne kubugoņdi yobune fafaņelak en me indi adigili yalaņ maan yoyam. Bepaņ'walaņ Youkudip Mededi indin yolak.

“Bepaŋ, du talik didimeniŋ foloŋ medene yodapmalaŋ. Nebek niŋdi mede gineŋ gapmeune du kedem fafaŋeeŋ adi’walaŋ mede ulatifoweŋ.”

⁵Unduŋ doktiŋa dediŋ? Indi’walaŋ titiŋnik kadakaninŋdi Bepaŋ’walaŋ titiŋniŋ didimeniŋ u miŋgilanŋoŋ tubumintaune wendok dediŋ yonim? Bepaŋdi Judahi indi’walaŋ kadakaninŋnikdok kibikoŋ tuwanŋiŋ hogoli nimilak, u titiŋ hogoli tilak, unduŋ be yonim? U mokoŋ hinek. Nadinadi undihi adi kwetfoloŋ me’walaŋ nadinadi hogok. ⁶Bepaŋdi titiŋ didimeniŋ u helemahemaŋ mu nobuniŋ takaliŋa metam kwetfoloŋhi hogohogok indi’walaŋ titiŋnik detiŋa kamekaŋ kadakaninŋnik diniŋ kibikoŋ yodapmawek? ⁷Eŋ fukuŋiŋ yalaŋ medenedi nobu Bepaŋ’walaŋ mede folooŋ ulihiune wougigitdi lolak kaŋ maŋgande nu maŋ fiit kadakaninŋ titiŋ naniŋa kibikoŋ namulak? ⁸Tiŋa maŋgande indiŋ mu yoyam. “Kadakaninŋ tinene wendigooŋ udaneŋ folooŋ momooŋ mintawaak.” Biyagoŋ hinek kuyoŋ, yalaŋ-me heki adi indi unduŋ binek yoyam yoŋa medenik suuk foloŋ youla moŋgo yoyawiŋ. Ale mede unduŋ yoŋila talik u keleŋiŋ adi yadi kibikoŋ malabumuŋ mintayembune tuwot tibaak.

Metam hogohogok wanakaŋ kadakadapmagumun

⁹Ale dediŋ? Juda metam indi metam noli yalapakmedapmaŋ Bepaŋ namanda foloŋ didimehi hinek be hatiyam? U moŋ hinek. Agaŋ yomun oŋ. Juda metam be Gilik metam indi wanakaŋ kadakaninŋ diniŋ tipilapilaye kwanai tiyam. ¹⁰Bepaŋ’walaŋ Youkudip Mededi indiŋ yolak.

“Me be tam niŋdi didimeniŋ nemu hatilak. Kubugoŋ-kabe nemoŋ hinek. ¹¹Nebek niŋdi nadidakale nemu tilak, nebek niŋdi Bepaŋ kutnilohi nemu tilak. ¹²Adi wanakaŋ hogohogok Bepaŋ sigilulum timiŋgiŋ. Adi kunilit hatihatidok tuwot mu tigiŋ. Nebek niŋdi titiŋ kedem nemu tilak. Kubugoŋ-kabe nemoŋ hinek.”

¹³“Adi’walaŋ mahik mede adi mebom youfulanit mokit undihi. Adi’walaŋ mebelemhik fambekeneune yalaŋ mede labulak,”
“mamhik adi miŋgembet muhabo’walaŋ imeŋiŋ miknit undiniŋ gumula yawiŋ.”

¹⁴“Adi’walaŋ mahik adi haki eŋ yokwihita mededi tokilak.”

¹⁵“Kayohikdi kayoloŋkula me widihikumundok yawiŋ. ¹⁶Mik yolibaŋgip tiŋa udihiliwe tiŋ. ¹⁷Adi unduŋ tiŋa kulema diniŋ talii nemu nadiŋ.”

¹⁸“Eŋ namandahik foloŋ Bepaŋdok munta nemu hatak.”

¹⁹Indi indiŋ nadiyam. Yodoko Mede adi mede molohiye inditok nadiŋa niniŋguk. Uyadi metam hogohogok indi’walaŋ mebinik ninintawaune manik galidok tuguk. Unduŋ doktiŋa metam hogohogok indi’walaŋ yomnik Bepaŋ’walaŋkade miŋgoŋ mintadapmalak. ²⁰Biyagoŋ kuyoŋ, Yodoko Mededi yomnik miŋgoŋ ninimbihitak, doktiŋa Yodoko Mede

takaliņa Bepaṅ'walaṅ namanda foloṅ metam didimehi niniṅdok talik nemu hatak.

Jesu nadisukilitimiņa yomnit mokit titiṅdok

²¹ Inṅoṅ oṅ, Yodoko Mede hatune nai indidegoṅ Bepaṅdi ne'niṅ didimeniṅṅiṅ tubumintadok talikṅiṅ niṅ tubumintaguk hatak, talik woṅ adi Yodoko Mede be polofet hekidi maan kahatṅiṅ yoṅa youkiṅ. ²² Jesu Kilisto nadisukilitimiņa yomnit mokit tubune Bepaṅdi metam didimehi yenindapmalak. Biyagoṅ hinek kuyoṅ, talik wendi nadisukilitihinit aditok gigit tilak. Unduṅ doktiņa mebinik molomolom mu hatak. ²³ Indi hogohogok wanakaṅ kadakanṅniṅ tubudapmagumun, doktiņa Bepaṅ'walaṅ hatihati didimeniṅ kahiledok tuwot mu tiyam. ²⁴ Biyagoṅ kuyoṅ, indi unduṅ hatiyanene Kilisto Jesu adi geṅgeṅnik youtekutnimguk, doktiņa Bepaṅ adi ne'walaṅ siloṅ tobogoṅdi hogok nihitubu-didimeune yomnit mokit tiyam. ²⁵ Biyagoṅ hinek kuyoṅ, Bepaṅdi jobune Jesu adi ne'walaṅ naṅgatdi indi'walaṅ yom youtekutdok kwatneeṅ siloṅ tuguk. Ala u nadisukilitimineeṅ adi yadi yomhik youtekulune walandaṅ hatihati kahileneeṅ. Diki indiṅ hatak, Bepaṅ adi yom timenṅ tigiṅ u baigoṅ nadikwambundaṅ yabukuwalune halibugiṅ ala Jesu kumuṅdok nindapmaguk nai uṅaniṅ titiṅṅiṅ didimeniṅ diniṅ mebi miṅgoṅ tubumintaguk. ²⁶ Bepaṅ adi titiṅ didimeniṅ molom hatilak. Ala Jesu nadisukilitimiṅṅ adi yehitubu-didimeune yomnit mokit tiṅ. Biyagoṅ hinek kuyoṅ, wendiniṅ mebi nai indidegoṅ miṅgoṅ mintadok nadiņa unduṅ tuguk.

Nadisukiliti doktiņa didimeeṅ yomnit mokit titiṅdok

²⁷ Ale unduṅ doktiņa inde'walaṅ youtumbanik neeṅbe hatak? Moṅ. Youtumbanik agaṅ wiyakuliṅit. Mayeṅ wiyakukuk? Yodoko Mede foloṅ titiṅdi be? Moṅ! nadisukiliti hogokdi nihitubu-didimelak doktiņa nebek niṅdi netok tuwot mu youtumbawek. ²⁸ Ala unduṅ doktiņa mede indiṅ nadine hatuwaak. Metam hogohogok Yodoko Mede foloṅ mede tiloloṅ tiyam doktiņa moṅ, adi nadisukiliti doktiņa Bepaṅ namanda foloṅ metam didimehi mintayam. ²⁹ Be Bepaṅ adi Juda metam indi'walaṅ Bepaṅ hogok be? Metam Judahi'walaṅ fek mu tigiṅ aditok Bepaṅ mu tilak be? Unduṅ moṅ, Bepaṅ adi metam fekhinit mokit aditok maan tilak. ³⁰ Biyagoṅ hinek kuyoṅ, Bepaṅ adi Juda metam eṅ metam fekhinit mokit kiutnik hatinimilakdi nadisukilitinik doktiņa nihitubu-didimeeṅ yodapmaune ne'walaṅ namanda foloṅ metam didimehi tiyam. ³¹ Ala unduṅ yoṅa nadisukiliti doktiņa Yodoko Mede wiyakukam be? Moṅ hinehinek. Toboniṅ Yodoko Mede u ulihikilitiyam.

Abalaham dut Dewit adi Bepaṅ nadisukilitiune yomhik dapmaguk

4 ¹ Kaṅ Dadanik Abalaham adi maṅgoṅ tubumintaguk yonim?
² Indiṅ, Abalaham adi ne'walaṅ titiṅ doktiņa Bepaṅ namanda foloṅ

me didimeniŋ mintaguk kaŋ kedem sigitiŋalo tibaak. Ingoŋ oŋ, Bepaŋ namanda foloŋ adi moŋ. ³Bepaŋ'walaŋ Youkudip Mededi indiiŋ yolak. "Abalaham adi Bepaŋ nadisukilitimiŋguk doktiŋa me didimeniŋ niŋguk."

⁴Niŋ indiiŋ hatak, nebek niŋ adi kwanai tubune tuwaŋiŋ miyam wendi siloŋdok miyam mu tilak. Woŋ adi kwanai tuguk wendiniŋ tuwaŋiŋ tilak. ⁵Ingoŋ oŋ, Bepaŋ adi kadakaniiŋ titiiŋ heki'walaŋ yomhik tumolokuyemiŋa nadiyembune me didimehi tiŋiŋ doktiŋa nebek niŋ adi titiiŋiŋ doktiŋa moŋ, nadisukiliti foloŋ hogok Bepaŋ nadikwambundalak adi yadi Bepaŋdi nadisukilitiŋiŋ kaŋ nadimimbune me didimeniŋ tibaak.

⁶Unduŋ doktiŋa Dewitdi maŋ nediyeŋ titiiŋ kedem mu tilak iŋgoŋ Bepaŋdi yomŋiŋ fiit tumolokulimiŋa nadimimbune me didimeniŋ tilak, aditok yonadifo tiŋa indiiŋ youkuk,

⁷"Yomhik liliwenekukuk, eŋ kadakaniiŋhik tumolokukuk, adi Bepaŋ'walaŋ kahaŋ kahileiŋ doktiŋa aditok nadiwe utumba tilak.

⁸Me niŋ Wapumdi nadimimbune yomnit mokit tilak, adi Bepaŋ'walaŋ kahaŋ kahilelak doktiŋa aditok nadiwe utumba tilak."

Abalahamdi nadisukiliti gineŋ talitimeŋnik tuguk

⁹Dediŋ, yonadifo mede u neditok? Judahi'walaŋ feknit inditok hogok be? Be Judahi'walaŋ feknit mokit aditok maŋ tilak? Abalahamdok indiiŋ nadiyam. Adi yadi nadisukilitiŋiŋ doktiŋa me didimeniŋ niŋguk.

¹⁰Nai deniiŋ me didimeniŋ niŋguk? Judahi'walaŋ feknit tugukneŋbe, be unduŋ mu tiŋa hogok hatigukneŋ? Eeŋ, Judahi'walaŋ feknit mokit hatigukneŋ me didimeniŋ niŋguk. ¹¹Adi feknit mokit hatiŋila Bepaŋ nadisukilitimimbune Bepaŋdi nadimimbune me didimeniŋ tuguk,

unduŋ tigidibaune Bepaŋdut welekubugoŋ titiiŋdok fekŋiŋ u mindaŋ niŋguk. Kaŋ Abalaham adi unduŋ tiŋa metam fekhinit mokitdi Bepaŋ nadisukilitimiŋa metam didimehi tiŋiŋ adi'walaŋ talitimeŋ tiyemilak.

¹²Eŋ, Judahi'walaŋ feknit inditok maŋ talitimeŋ tinimilak. Adi feknit mokit hatiŋila nadisukilitiniŋ hatiguk doktiŋa indi maŋ adi tuguk undugoŋ tiŋila dadanik Abalaham ne tububihitniŋguk unduŋ yonene tuwot tibaak.

¹³Bepaŋdi Abalaham diniŋ yalakiŋiye kwetkwet yemdok yofafaŋguk, woŋ adi Yodoko Mede diniŋ mede tiloloŋ doktiŋa moŋ. Nadisukilitiŋiŋ doktiŋa yomŋiŋ tumolokulimiŋa tubudidimeŋ unduŋ timiŋguk.

¹⁴Biyagoŋ kuyoŋ, gigit yeniŋguk woŋ adi Yodoko Mede molohiye nehitok hogok binek tibe tuguk adi nadisukilitidi gilegilem tiliwek. Be Bepaŋ'walaŋ yofolok maŋ folooŋnit mokit tiliwek. ¹⁵Yodoko Mededi yomnik diniŋ kibikoŋ malabumuŋ foloonik foloŋ kamelak. Yodoko Mede mu halune woŋadi mede wobu mu mintalak.

¹⁶Unduŋ degoŋ tiŋa Bepaŋ'walaŋ gigitmede niniŋiŋ uyadi folooŋ nadisukiliti doktiŋa mintalak. Maŋgande, uyadi siloŋ tobogoŋdi uloloŋ

tinimbune Abalaham'walaŋ yalakiŋiye indi'walaŋkade mintalak. Yodoko Mede nadiŋa uŋandiŋ wooŋ galigiŋ adi hogok moŋ. Abalahamdi nadisukiliti talik takaliguk uŋakoŋ takaliyam heki indi maanŋ. Adi kubugoŋdi Bepaŋ'walaŋkade talitimeŋ tinimilak. ¹⁷Unduŋ doktiŋa Bepaŋdi indiŋ yobune Abalahamdi nadikwambundaguk, "Nu nagonŋ du metambop fee aditok behik tibaanŋ yonŋ ganiŋgut." Biyagoŋ hinek, Bepaŋ adi kumuhinaka tuguk u kedem tubukaikawek eŋ nemek mu hatak u yobune kedem mintawek.

Abalaham adi nadisukiliti lolonŋnit halimiŋguk

¹⁸Kaŋ Abalaham adi metam bop fe'walaŋ behik tibaak mede wendok nadikunakunaleŋiŋ agaŋ haŋindalune fiit gigineeŋ nadikunakunaleeŋ hatiguk. Mede indiŋ niŋit. "Yalakigeye fee mumuyeŋ mintaneeŋ."

¹⁹Eŋ niŋe indiŋ. Ne'walaŋ guletŋiŋ 100 tuguk doktiŋa folooŋ agaŋ sipaka tuguk eŋ Sela'walaŋ folooŋ maanŋ agaŋ silida tuguk u yabukabeleeŋ fiit nadisukilitiŋiŋ mu fiyakuk. ²⁰Bepaŋdi gigitmede niŋguk u nadiune folooŋnit mokit mu tuguk. Unduŋ tiŋa nadisukiliti foloŋ fafaŋeeŋ Bepaŋdok nadimimbune lolonŋnit hinek tubune indiŋ yonŋ nadidahi tuguk. ²¹Bepaŋ adi nemek niŋdok gigitmede yolak wendiniŋ folooŋ kedem tubumintalak. ²²Unduŋ doktiŋa Abalaham adi nadisukiliti halimiŋguk doktiŋa Bepaŋdi aditok nadiune me didimeniŋ tuguk.

²³Bepaŋdi nadiune me didimeniŋ tuguk adi Abalahamdok hogok mu youkiŋ, woŋ adi inditok maanŋ. ²⁴Biyagoŋ hinek kuyoŋ, Wapumnik Jesu kumuŋ gineneŋ tubukaikaguk Bepaŋ adi nadisukilitiminene indi maanŋ nadinimbune metam didimehi tineem. ²⁵Biyagoŋ hinek, Jesu adi indi'walaŋ kadakanŋiŋ doktiŋa kumuŋdok nindapmaguk. Tiŋa indi kotigoŋ Bepaŋ namanda foloŋ metam didimehi titiŋdok kumuŋ gineneŋ tubukaikaanŋ tubupilali hatihati kobuli miŋguk.

Jesudi kulema tubumintaguk doktiŋa nadifo titiŋdok

5 ¹Indi Jesu nadisukilitiminene Bepaŋdi metam didimehi niniŋguk doktiŋa Wapumnik Jesu Kilistodut kadiŋa Bepaŋdut kulemanŋoŋ hatiyam. ²Jesu negoŋ talik dilitomniŋguk doktiŋa Bepaŋ siloŋ tobogoŋŋiŋ diniŋ maaneŋ hatiyam. Unduŋ tiŋa hatigene kougoŋ Bepaŋ ne filimpitnit mintaune yali kaŋ nadifo tineem, ala hatiŋila wendok nadifo tiŋila nadikunakunale tiyaneem.

³Tiŋa u hogok moŋ, folofigita foloŋ hatiŋa mamsiŋa fafaŋe tinene ⁴Bepaŋdi nibune tuwot tilak. Eŋ Bepaŋdi nibune tuwot tubune indi kunumdok nadikunakunale tiyam. ⁵Kunumdok nadikunakunale tihatibaakdi nadibilitelet mu tibaak. Uŋgoniŋ Munabuli niŋguk adi Bepaŋ'walaŋ welesiloŋ welenik gineŋ ulugolonimguk doktiŋa nadibilitelet mu tineem.

⁶Koom indi inde nemek niŋ tiŋa kedebadok nemu hakuk kaŋ Bepaŋ ne'walaŋ nai foloŋ hinek Kilisto kameu fooŋ kadakaniiŋ titiiŋ inditok tiŋa indi'walaŋ kwetnik koŋ foloŋ kumuŋguk. ⁷Kwetfoloŋ me indi me didimeniiŋ niŋdok tiŋa tuwot mu kumunim. Me siloniiŋ niŋ doktiŋa kumunene utumbawek binek. ⁸Indi yadi kadakaniiŋ kisaŋ tiŋa Bepaŋ weleŋ tubukadaka hatitabugumun, iŋgoŋ Bepaŋ adi fiit welesiloŋ tinimiŋa Kilisto nindapmaune indi'walaŋ kwetnik koŋ foloŋ kumuŋguk. ⁹Ala nai indidegoŋ adi'walaŋ naŋgatŋiiŋ doktiŋa didimehi yomhinit mokit tugumun, unduŋ doktiŋa mede yodapmandapmaŋ nai foloŋ momooŋ hinek nihitubu-lodawaak. ¹⁰Indi Bepaŋ memik timiŋa adut danedane tiŋa hatiyane Mihiiŋiŋ diniŋ kumuŋdi kotigoŋ nihikiulune Bepaŋ dut welekubugoŋ tugumun. Unduŋ tiŋa nihikiukuk doktiŋa Jesu ne'walaŋ hatihati dut kiulaŋa hatihati momooŋ gineŋ kedem hinek nipmewaak. ¹¹Tiŋa u hogok moŋ, Wapumnik Jesu Kilistodi kulema tubumintaŋ Bepaŋgut nihikiukuk doktiŋa biyagoŋ hinek Bepaŋdi nihitubulodaune welenadifo tiyam.

Jesu'walaŋ kulema eŋ siloŋdi kadakaniiŋnik hefulaguk

¹²Ale indiiŋ nadinim. Me kubugoŋdi kwetfoloŋ kadakaniiŋ tubumintaguk, eŋ kadakaniiŋ doktiŋa kumuŋ mintaŋ me titituwat tuguk. Unduŋ mintaune metam hogohogok yom tiŋa kadakadapmagiiŋ. ¹³Ala indiiŋ nadidok, Yodoko Mededi mu mintalune kadakaniiŋdi koom mintaŋ hakuk. Ala Yodoko Mede moŋ doktiŋa kadakaniiŋhik kakabele tuguk. ¹⁴Uŋaniŋ kumuŋ adi Adamdi'walaaniŋ tububihila metam hatitalabugiiŋ adi me bombonŋi tiyemiŋa hatitalabulune Moses mintaguk. Ala woŋ adi indiiŋ mintaguk. Adamdi mede wobu tuguk unduŋ mu tigiŋ heki adi'walaŋkade maŋ meŋeguk. Biyagoŋ kuyonŋ, Adamdi kumuŋ tubumintaguk woŋadi hatigene kougoŋ me niŋdi hatihatidok talik tubudidimewaak aditok talik doŋi tiŋa suwa kameguk.

¹⁵Indiiŋ hinek kuyonŋ, Bepaŋ'walaŋ siloŋ tobogoŋdi Adam'walaŋ mede wobudok tuwolit moŋ. Biyagoŋ hinek, me kubugoŋdi mede wobu tubune metam hogohogok kumundok gigit tigiŋ. Kaŋ Bepaŋ'walaŋ siloŋ adi me kubugoŋ Jesu Kilisto uŋakoŋ, adi'walaŋ siloŋ tobogoŋ doktiŋa Adam'walaŋ mede wobu ulatifodapmaŋ metam fee Bepaŋ'walaŋ siloŋ u tinimguk. ¹⁶Meyat adi mebihik molomolom, fukuŋ siloŋ tobogoŋ eŋ fukuŋ me kubugoŋdi mede wobu tuguk doktiŋa hamdok gigit titiiŋdok mede yodapmaŋ tubumintaguk. Siloŋ tobogoŋdi yom fee hinek hefulaŋa Bepaŋ namanda foloŋ hatihati didimeniiŋ tubumintalak. ¹⁷Biyagoŋ, me kubugoŋdi mede wobu tuguk doktiŋa kumuŋdi metam me bombonŋi tiyemguk. Ala fukuniŋ indiiŋ hatak. Siloŋ tobogoŋ tokinit, eŋ yomnit mokit didimeniiŋ, eŋ welenik diniŋ siloŋ momooŋ mintaune nadidahi tiyamdi kougoŋ hatigene, me kubugoŋ Jesu Kilisto dut biyagoŋ me bombonŋi hinek tiŋa hatiyaneem.

Adamdi kumuŋ tubumintaguk kaŋ Jesudi hatihati tubumintaguk

¹⁸Ale indin, me kubugonŋdi mede wobu tubune metam hogohogok wanaŋ hamdok gigit tubudapmagumun. Undugon me kubugonŋdi titin didimenin tubune yomnik dapmaune hatihati fafaŋeninŋdok gigit tubudapmagumun. ¹⁹Me kubugon dinin mede wobu doktiŋa meenin feedi kadakanin gineŋ fodapmagumun, undugon me kubugon dinin mede tilolon doktiŋa meenin feedi kedebaneem. ²⁰Yodoko Mede adi kadakanin minŋon mintadakedok foguk. Ala kadakaninŋdi mintatalolune silon tobogonŋdi kalakapmeen lolon hinek tuguk. ²¹Folon indin mintawene unduŋ tuguk, kadakaninŋdi me bombonŋi tinimiŋa kumuŋ tubumintaguk, undugon silon tobogonŋdi me bombonŋi tinimbune Bepaŋ namanda folon metam didimehi mintanene hatihati fafaŋenin gineŋ nipmelak. Woŋ adi Wapumnik Jesu Kilisto doktiŋa unduŋ mintaguk hatak.

Jesudut kumuŋgumun

6 ¹Unduŋ doktiŋa dedin yodok? Kadakanin tomboyoula tihatiane Bepaŋ'walaŋ silon tobogonŋdi hautaan kufulawaak, unduŋ kedem be yodok? ²Unduŋ adi moŋ! Indi me kumuŋ tiin dabugon tiŋa kadakanin titin u agaŋ bikabugumun. Ala dedin tiŋa kadakanin kotigon tinim! ³Kaŋ indin mube nadiin? Jesu wou folon Ime youla Kilisto dut kadiŋa adi'walaŋ kumuŋŋin gineŋ wanaŋ kumuŋgumun. ⁴Uyadi biyagon hinek kuyon, indi Jesu wou folon Imeyout tugumunen Jesu dut kadiŋa kumunene mekon gineŋ wanaŋ nihikufulagin. Ala Bepaŋ adi saŋininŋinŋdi Jesu Kilisto kumuŋ ginenin tubukaikaune pilakuk hatilak, undugon indibo pilali hatihati kobulinit hatianeem. ⁵Indi kumuŋŋin gineŋ kadiŋa wanaŋ kumuŋgumun, doktiŋa kougon kaikaan pilapilat nai folon adi pilakuk undugon kaikaan pilatneem.

⁶Indin nadinim, welenik komi agaŋ Jesu dut kolonŋdabek folon ukin, woŋ adi welenik be siginik gineŋ kadakanin dinin saŋinin hakuk u kagiyali mamaŋdok. ⁷Eŋ indi adi unduŋ tiŋa kadakaninŋdok tipilapilaye kotigon mu timindok. ⁸Kilisto dut nobu kumuŋgumun kaŋ kaugon adut hatineem unduŋ hinek nadikwambundayam. ⁹Kilisto adi agaŋ nadimiyam, adi kumuŋ ginenin pilakukdi kotigon mu kumumbaak, kumuŋdi me bombonŋi kotigon mu timimbaak. ¹⁰Ala kumuŋguk woŋ adi kadakaninŋdok nai kubugon kumumbune dapmaguk. Kaŋ nai indinde hatilak adi Bepaŋ dut hatihatinit hatilak. ¹¹Kaŋ hidi maan undugon, hidetok nadiune kadakaninŋdok agaŋ tuwot kumuŋgin ala yoŋ adi Jesu dut kadiŋa Bepaŋ dut hatihatinit tiin, unduŋ nadiŋa hatianeen.

Kadakaninŋdok tipilapilaye kotigon mu timindok

¹²Hidi kadakanin nadimimbune foloohik kumuŋ tibaak u mu kadokoluwaak. Be foloohikdi siloda hogolidok hehitalamut tubune u maan

mu nadimiyaneen. Tiņa adi'walaņ siloda hogohi maan mu nadiyemaneen. ¹³Tiņa kayohik kohohikdi undugon kadakanin titindok kwanaigin mu taneen. Mon hinek. Hidi yadi kumuņ ginenin hehitubu-kaikaguk doktiņa Bepaņ'walaņ kwana gineņ mindigeula foneen. Unduņ tiņa foloohik Bepaņdok miņa adi'walaņ titiņ didimenindok tipilapilaye kwana timineen. ¹⁴Ale hidi Yodoko Mede foloņ mon, Bepaņ'walaņ siloņ tobogoņ foloņ hatiņ doktiņa kadakaninđi me bombonņi mu tihambaak.

Titij didimenin dinin kwana-me mintaan hatidok

¹⁵Kaņ dedin titindok? Indi Yodoko Mede gineņ mon, adi Bepaņ'walaņ siloņ tobogoņ gineņ hatiyam doktiņa kadakanin kede me titindok? Wadi mon hinek! ¹⁶Kaņ hidi indin mu nadiin be? Me bombonņi niņdok nadigalika timiņa adi'walaņkade wooņ galiņa adi'walaņ tipilapilaye kwana timineen. Hidi kadakanindok nadigalika tiņa tipilapilaye timiņa hatigene kumuņkwaneen. Be mede tiloloņdok nadigalika timiņa tipilapilaye kwana tiņa Bepaņ namanda foloņ metam didimehi tineen. ¹⁷Hidi kadakanindok tipilapilaye tihatigin dinin nai agaņ dapguk. Nai indinde adi Bepaņ'walaņ Mede Momooņ hanindidimenit u welehiđi nadisuņa mede tiloloņ tiņ doktiņa Bepaņ niutumbalat. ¹⁸Tiņa hidi adi kadakanin dinin folofolok ginenin hehifiyakuk doktiņa titiņ didimenindok tipilapilaye-metam tigin hatiin. ¹⁹Welehiđi komihi gweheyehi, doktiņa kwetfoloņ dinin titiņ wendok foloņ kamekaan mede hanilat. Hidi koomkwaha foloohik silodadok eņ nemek hogolidok tipilapilaye tubune kaka hatiyagin. Ala nai indinde adi foloohikdi nemek didimenindok tipilapilaye kwana tiņa hehitubu-walandaune hatiyaneen. ²⁰Kadakanin dinin tipilapilaye kwana tiņa hatiginneņ metam didimehi hatidok folok nemu hahamguk. ²¹Kaņ nai uņaniņ folooņ maņgoņ tubumintagin? Foloōņ tubumintagin adi nai indidegoņ nadiune mekaņgoņ tilak. Ala wendok foloņ ulodiņa kumuņ tubumintadok tuwolit tilak. ²²Nai indinde kadakanin dinin folok fiyakulune Bepaņ'walaņ tipilapilaye-metam tigin hatiin, eņ folooņ hinek adi hehiyoutewalanda tuguk hatiin eņ kougoņ hinek adi hatihati fafaņeniņ tubumintaneen. ²³Kadakanin dinin tuwaņin adi kumuņ titindok. Inņgoņ Bepaņ siloņ tobogoņniņ dinin folooņ adi Wapumnik Jesu Kilisto adut kadiņa hatihati fafaņeniņ kahiledok.

Kumuņ ginenin kaikaan pilakuk hatilak aditok gigit tigin

7 ¹Notneye, Yodoko Mede nadiin hiditok mede i yolat. Hidi indin mube nadiin? Yodoko Mede nadiņa mede tiloloņ adi kaipmuņ hatinene mu dapmalak. Kumuņ tinene adigili dapmalak. ²Unduņ doktiņa biyagoņ kuyoņ, tam yohoinit niņđi yohoi dawi kaipmuņ hatilune bikabudok tuwot mu tilak. Yodoko Mede foloņ unduņ yonit. Ala yohoi kumumbune adigili Yodoko Mede

foloŋ yohomalam aditok mede yofafaŋe tiŋit u agaŋ dapmalak. ³Tam yohoinit niŋdi yohoi dawi kaipmuŋ hatilu bikabuŋa woŋ me gitipmuŋ niŋ dut galiwaak adi yadi yohomalam kikabi diniŋ yom hekilak niniŋdok. Yohoi kumumbune adigili, Yodoko Mededi yehifolokeneguk wendiniŋ folok u agaŋ fiyakutak. Unduŋ doktiŋa me gitipmuŋ niŋ hemimbune wendi yohomalam kikabi diniŋ yomnit mu tibaak.

⁴Ale notneye, hidi'walaŋ mebi undugoŋ hatak. Kilisto adi kumuŋguk kaŋ hidi adut kadiŋa Yodoko Mededok kumuŋgiŋ. Ala nai indidegoŋ adi molom niŋdok gigit tigiŋ. Kumuŋ gineniŋ pilakuk hatilak aditok-ku tigiŋ oŋ. Unduŋ doktiŋa indi Bepaŋdok folooŋ momooŋ tubumintamineem. ⁵Niŋ indiŋ. Koom titiŋ kominat hatiyagumuneŋ Yodoko Mededi kadakaniŋ diniŋ nadigalika u indi foloŋ kameune kudup nabugoŋ nihidaguk, wendiniŋ folooŋ kumuliwe tubumintagumun. ⁶Nai indidegoŋ adi Yodoko Mede wendegoŋ tiŋa kumunene Yodoko Mede'walaŋ folokniŋ dokodapmaguk. Unduŋ doktiŋa Munabuli diniŋ talik kobuli foloŋ hatiŋa Bepaŋ'walaŋ tipilapilaye-metam hatiyam.

Kadakaniŋ adi Yodoko Mede foloŋ ulodikiŋineŋ nihitubu-kadakalak

⁷Unduŋ doktiŋa dediŋ yodok? Yodoko Mede adi hogoli be yodok? Moŋ! Yodoko Mede mu binek hatuwek adi nu kadakaniŋ diniŋ mebi mu nadidakalelit. Yodoko Mededi indiŋ ninindakalelak. “Du metam noli'walaŋ bomboŋ fofohidok nadigalika mu tibaaŋ.” Mede u mu hatuwek adi metam noli'walaŋ bomboŋ fofohidok nadigalikafit mu tilit. ⁸Biyagoŋ hinek, kadakaniŋ adi Yodoko Mede wondok foloŋ ulodiŋa walane nihohokeneune nemek mebimebidok nadigalikafit tugut. Yodoko Mededi daŋiniŋ mu hatuwek adi kadakaniŋdi gweheyengoŋ hatuwek.

⁹Nu koom Bepaŋ'walaŋ Yodoko Mede diniŋ mebi mu nadiŋa kedem hatigut. Ala hatigene mindaŋkade Yodoko Mede nadiwene kadakaniŋdi walane gineŋ kaikaŋ pilalune kumuŋ tugut. ¹⁰Biyagoŋ hinek kuyoŋ, Yodoko Mededi nehitubu-lodaune kulemaŋgoŋ hatidok yoŋit iŋgoŋ adi tobo nulukumuŋ tuguk. ¹¹Biyagoŋ kuyoŋ, kadakaniŋdi miŋ daŋiniŋ halune wendok foloŋ ulodikiŋineŋ pilali Yodoko Mede foloŋ yotebi tiŋa naniŋkamandaŋ nulukumuŋguk. ¹²Unduŋ tuguk iŋgoŋ oŋ. Bepaŋ'walaŋ Yodoko Mede adi yomnit mokit, be mebiŋiŋ molomolom yehidaneŋ yodakalegiŋ u maŋ yomnit mokit, tiŋa adi yadi didimehi eŋ momohi.

¹³Hidige! u deti Yodoko Mede kedemdi nulukumuŋguk? Unduŋ ba! adi kadakaniŋdi nukuk. Ale indiŋ kuyoŋ, kadakaniŋ adi ne'walaŋ mebiŋiŋ miŋgoŋ mintadakedok tiŋa Yodoko Mede diniŋ saŋiniŋ foloŋ kisaŋ nukuk. Biyagoŋ kuyoŋ, Yodoko Mededi nihitubu-lodaune kadakaniŋ diniŋ mebi hogoli hinehinek u nadidakaleyam.

Bepaŋ dut kadiŋa kadakaniŋ kedem ulatifofondok

¹⁴Indi indiŋ nadiyam, Yodoko Mede adi Munabuli'walaaniŋ buguk, eŋ indi yadi kwetfoloŋ metam, kadakaniŋdi nihifolokeneune tipilapilaye

tuwanjit mokit timiyam. ¹⁵Nu yadi na'walaŋ titiŋne diniŋ mebi nadiwene udaneudane tilak. Nu yadi nemek momooŋ niŋ titiŋdok nadilat iŋgoŋ u mu tilat. Eŋ nemek hogoli nisuwambat tilat iŋgoŋ uŋakoŋ tilat. ¹⁶Unduŋ tiŋa nemek yosuwambat tilat uŋakoŋ tibene Yodoko Mede adi momooŋ wendiniŋ mebi mintadakalelak. ¹⁷Kaŋ nemek hogoli tilat woŋ adi na nadigoŋ tiŋa mu tilat, kadakaninŋdi walane gineŋ hali naniŋgigineune tilat. ¹⁸Unduŋ doktiŋa nu wendiniŋ mebi indinŋ nadilat. Biyagoŋ kuyoŋ, foloone diniŋ sigine gitnem maaneŋ titiŋne komi gineŋ kedemdi yolikweli mu tiŋa hatilak. Nemek kadem titiŋdok yolat iŋgoŋ oŋ, folooŋ adi mu tilat. ¹⁹Nu yadi nemek kadem tibat yokabeleŋ unduŋ mu tilat. Eŋ kadakaninŋ mu tibat yokabeleŋ mu titiŋdok yolat uŋakoŋ hinek tilat. ²⁰Wendiniŋ diki indinŋ. Kadakaninŋ mu titiŋdok yoŋila fiit tilat. Uyadi nahinek moŋ ale. Kadakaninŋdi walane gineŋ yolikweli tuguk doktiŋa adi yogigine tubune tilat.

²¹Nu'walaŋkade yodoko indinŋ mintalak. Nemek momooŋ titiŋdok yoluwene kadakaninŋdi mintanamulak. ²²Nu Bepaŋ'walaŋ Yodoko Mededok nadinŋa nadigalika tilat. ²³Unduŋ tilat iŋgoŋ oŋ, foloone dikidiki foloŋ yodoko mede niŋ hatakdi walane gineŋ nadisu mintalak dut mindobu tiyamuk. Unduŋ tiŋa nehifolokeneune kadakaninŋ diniŋ yodoko mede foloone dikidiki foloŋ yolikweli tuguk, adi'walaŋ yot fafaŋeniŋ gineŋ itoulat. ²⁴Nu kada! Nediyeŋ foloone kumuŋdok gigit tuguk i dilitelekutnambaak? ²⁵Wapumnik Jesu Kilisto doktiŋa Bepaŋdi dilitelekutnambaak doktiŋa Bepaŋ niutumbalat.

Ala indinŋ kuyoŋ. Nu na yadi walanedi Bepaŋ'walaŋ yodoko mede uŋak tipilapilaye kwanai timilat. Eŋ welene komidi kadakaninŋ diniŋ yodoko mededok tipilapilaye kwanai timilak.

Agan kedebagumundi Munabuli dut hatidok

8 ¹Unduŋ doktiŋa nai indidegoŋ metam Jesu Kilisto dut kadinŋa hatiinŋ adi yadi kotigoŋ Yodoko Mededi metam u kadakahi unduŋ tuwot mu yenimbek. ²Biyagoŋ kuyoŋ, Munabuli adi Jesu Kilisto doktiŋa hatihati tubumintanimilak, tiŋa kadakaninŋ dut kumuŋ'walaŋ yodoko mede diniŋ folok gineniŋ nihifiyakuk. ³Eŋ nai uŋaniŋ, adi inde'walaŋ welenik komidi Yodoko Mede kamedihinŋa halune indi'walaŋkade kwanai titiŋdok tubumalabuda tuguk. Wendoktiŋa Bepaŋ adi indinŋ tiŋa welenik komi diniŋ saŋiniŋ ulatifoguk. Adi ne'walaŋ mihinŋinŋ nindapmaune indi'walaŋ folonamandap tiŋa kadakaninŋdok kibikoŋ kumuŋguk. ⁴Woŋ adi welenik komi diniŋ talik foloŋ moŋ, Munabuli'walaŋ talik keleŋ hatiyam indi Yodoko Mede diniŋ folooŋ eŋ titiŋ didimeniŋ tubumintadok yoŋa unduŋ tuguk. ⁵Kaŋ welehik komi diniŋ talik gineŋ hatiinŋ adi yadi nadinadihikdi welehik komi gineŋ halune hatiinŋ. Eŋ Munabulidi yodakalelak wendok tuwolit takaliŋa hatiinŋ adi yadi Munabuli'walaŋ nadinadi takaliŋa hatiinŋ.

⁶Welehikdi nadinadi komi takaliņa hatigene kumuņ titiņdok. Inņoņ oņ, fukuniņ indij hatak: Munabulidi yodakalelak wendok tuwot welehikdi takaliņa hatigene hatihati fafaņeniņ eņ kulema kahiledok. ⁷Biyagoņ, welenik komi diniņ nadisudi Bepaņ mik timilak. Unduņ tiņa Yodoko Medeņiņdok mu duwokenemilak, uyadi maņgoņde unduņ tilak! ⁸Welehik komi dut hatiņ adi yadi Bepaņdi nadiyembune tuwot mu utumbalak.

⁹Inņoņ hidi adi undihi moņ. Bepaņ'walaņ Munabulidi biyagoņ hinek welehik gineņ yolikweli tiņa itoulak, adi Munabuli'walaņ nadinadi takaliņa hatiņ. Ale nebek niņ adi Kilisto'walaņ Munabulinit mokit hatibaak adi yadi Kilistodok gigit mu tibaak. ¹⁰Kilistodi hidi'walaņ welehik gineņ nobu hatilak kaņ foloohik adi kadakanij doktiņa kumulak, inņoņ welehik adi agaņ hehitubu-didimeune didimehi mintagiņ doktiņa hatihati kahilelak. ¹¹Ala indij kuyon, Bepaņdi Kilisto Jesu kumuņ ginenij tubukaikaguk, adi'walaņ Munabulidi welehik gineņ nobu itoulak kaņ welehik gineņ Munabuliņij hatilak aditok tiņa foloohik kumiņ u maņ undugoņ tubukaikawaak.

Munabulinit tiņa Bepaņ'walaņ wapmihijye hatidok

¹²Unduņ doktiņa notneye, welenik komihidi maņgoņ kedem tinimiij doktiņa indi kibibo adi'walaņ titiņ gineņ woņ kadinim? ¹³Hidi welehik komi gineņ woņ kadineņ adi kumuņ tineņ. Inņoņ oņ, Munabuli'walaņ saņiniņ foloņ kadiņa foloohik diniņ mede utneņ adi hatihati fafaņeniņ kedem kahileņ hatiņa woņ hatiyaneņ. ¹⁴Biyagoņ hinek kuyon, Bepaņ'walaņ Munabulidi yenindidimeņila yanagilune hatiņ adi yadi agaņ Bepaņ ne'walaņ wapmihijye hinek. ¹⁵Ala indij, Bepaņdi Munabuli nimguk uyadi adi'walaņ tipilapilayeniņye hatiņila aditok munta timindok moņ. Adi tobo wapmihijye hatiņila Munabuli'walaņ saņiniņ foloņ "Me Baņ" niyam. ¹⁶Indi Bepaņ'walaņ wapmihijye hatiyam, mede yoņ adi Munabulidi welenik gineņ yohautaune nadiyam. ¹⁷Adi'walaņ wapmihijye hatiyamdi adi'walaņ bomboņ maņ yabukahileneem, Kilisto dut kadiņa wanakaņnik kahileneem. Kwetfoloņ inoņ adut wanaņ folofigita gineņ hatigene kougoņ kotigoņ adut hatihati momoņ hinek hatineem.

Metam be nemenemek Bepaņdi nihitubu-mintaguk indi wanakaņ kedeba-utumbaneem

¹⁸Kaugoņ kunum gineņ Bepaņdi hatihati uņgoņiņ eņ tinahukut momoņ tubumintanimbaak, woņ adi kwetfoloņ folofigita eņ bulaniņgoņ nadiyam u kalakapmedapmalak doktiņa wendok foloņ kamekaņ nadiwene tuwot mu tilak. ¹⁹Eņ nemenemek Bepaņdi yehitubu-mintaguk adi Bepaņ'walaņ wapmihijyedi nai denij hinek miņgoņ mintadakaleneņ wondok woom hatiņila welehik yout tilak.

²⁰Nai indidegoŋ adi nemenemek yehitubu-mintaguk hogohogok adi kadakaan kumuliwe tiin. Nemek woŋ adi nehi'walaŋ nadinadi gineŋ mu mintalak. Mokoŋ. Bepaŋ ne unduŋ titindok yodapmaguk. Ala adi yadi Bepaŋdi nemek momooŋ tiyemdok yoguk wendok nadikunakunale tiŋa hatiin.^b ²¹Ala Bepaŋ ne nai tugukneŋ undineŋ nemenemek yehitubu-mintaguk adi maan kumuliwe diniŋ folok kwihikulaŋa Bepaŋ'walaŋ wapmihinjiye'walaŋ hatihati momooŋ gineŋ tomboyoutneen. ²²Biyagoŋ kuyoŋ, indi agaŋ nadiyam. Nai wendi pilap duladok nemenemek hogohogok Bepaŋdi yehitubu-mintaguk adi folofigita nadiin, woŋadi tamwoidi wapmihi yahaŋene nadiin wendok tuwot. ²³Tiŋa indin kuyoŋ, nemenemek hogohogok Bepaŋdi yehitubu-mintaguk hogokdi mu tiin. Mokoŋ. Kunumdok folooŋ koomkoom tububihila mintagumun kaŋ Munabuli nimguk, indi maan nai wapum wendok woom hatiŋila welenik yout tilak. Nai uŋaniŋ Bepaŋ ne foloonik komi kadakaninŋhinit u tumolokula wapmihinjiye nibukahileen foloonik gitipmuŋ uŋgoŋiŋ hinek nimbaak. ²⁴Indi nihitutumbaguk wendiniŋ folooŋ kahileneem u tumut gineŋ kabup hatak. Folooŋ mingooŋ mintaluwek adi nadikunakunale mu tiyanim. Nemek u mu kayam doktiŋa nadikunakunale tihatiam. ²⁵Biyagoŋ hinek kuyoŋ, folooŋ mingooŋ mu mintaune kayam doktiŋa welenikdi nadikunakunale tiŋila baigoŋ woom hatiyam.

²⁶Unduŋ tiŋa indi gweheye tiyam doktiŋa Munabulidi nihitubu-lodalak. Indi unduŋ be unduŋ yonadine kedebawek, u kedemgoŋ mu nadidakaleyam doktiŋa inditok kibikoŋ Munabulidi mede tuwot mu nadidakaleyam gineŋ koyoneen mede hamahamap meeniŋdi nadinadidok tuwot moŋ gineŋ nimbubulayelak. ²⁷Unduŋ tubune Bepaŋ adi welenik gineŋ diwetom molomdi Munabuli diniŋ nadinadi kanadilak. Eŋ Munabuli adi metam nadisukilitimiyam indi nihitubu-lodaan Bepaŋdi nemek mintanimdok nadilak wendok tuwolit ninadilak.

Bepaŋ adi indi'walaŋkade kwanai tububihikuk u titawooŋ tubudapmawaak

²⁸Tiŋa indi indin nadiyam, Bepaŋ welehiŋdi kahilein aditok adi Bepaŋdi nadiyemiŋa nemek wendi be wendi mintayemiŋa yabukahilelak u kasop ulihiyemilak. Woŋ adi indin hinek kuyoŋ. Ne yeniyehimanedok yokilitiguk indigoŋ tuwot yeniyehimaneguk. ²⁹Metam nediyeŋdi Jesu nadisukilitimineen u koom nadiguk. Ala adi yadi Mihinjin'walaŋ namandap titindok yenindapmaguk. Unduŋ tubune indi feedi kwayaŋiye tinene ne adi datnik biyeniŋ tiŋa hatilak. ³⁰Bepaŋdi metam koom

^b **8:20** Noli indin: Nemenemek maŋiŋdi yobu mintagin, adi maan kadakaan kumuŋkwane titindok yenindapmaguk. Ingoŋ oŋ, uyadi nehi'walaŋ yomdok tiŋa moŋ. Meeniŋdi me tituwat tiyemguk. Ala adi unduŋ yagiŋ hahatdok mu yonŋ.

yabudakaleguk indigoŋ tuwot yeniyehimaneguk. Yeniyehimaneguk indigoŋ tuwot yehitubu-didimeguk. Yehitubu-didimeguk indigoŋ tuwot Bepaŋ ne'walaŋ titiŋ didimeniŋ be hatihati momoŋdi tinahukuyemguk.

Nemek niŋdi Bepaŋ'walaŋ welesiloŋ gineniŋ mu nihikibidalaak

³¹Mede wendiniŋ mebi dediiŋ hatak? Bepaŋdi not tinimilune nediyen mik tinimbaak? ³²Bepaŋ adi mihiniŋ mu kahileguk, inditok tiŋa nindapmagukdi aditok tiŋa nemek hogohogok siloniŋgoŋ nimilak. ³³Bepaŋdi metam netok yoŋa nihidaneguk indi nediyen mede kwanai nimbaak? Bepaŋne agaŋ yomnik tumolokula nihitubu-didimeguk. ³⁴Be nediyen kadakaniniŋ doktiŋa nihisilonekulaak? Kilisto Jesu adi negoŋ kumuŋguk tiŋa undugoŋ kumuŋ hogok mu tuguk. Adi kumuŋ gineniŋ kaikaŋ pilali loguk Bepaŋ'walaŋ kohoŋ didimeniŋneŋkade ilaŋa indi nihitubu-lodadok Bepaŋ ninadilak. ³⁵Kilisto'walaŋ welesiloŋ gineŋ hatiyane nediyen kedem nihikibidalaak? Folofigita dut bulaniŋgoŋdibe, be malabumuŋdi, be mik-kwadidi, be map wapumdi, be hambeepdi, be nemek miknitdi, be kumuŋdi be? U moŋ hinek! ³⁶Youkudip Mede indiiŋ hatak wendok tuwot tinimiŋ.

“Dutok tiŋa helemahemaŋ folofigita nimiŋ, tiŋa dompa udobu tiŋi unduŋ nabugoŋ tinimiŋ.”

³⁷Iŋgoŋ oŋ, nemek undiniŋdi mu nihitubu-gweheyewaak. Moŋ! Jesu Kilisto'walaŋ welesiloŋ foloŋ yalikititiŋa fafaŋeeŋ kelekufakam. ³⁸Unduŋ doktiŋa nu indiiŋ nadikwambundalat. Kumuŋdibe, be hatihatidi, be aŋelodi, be yabap moiniŋdi, be nemek indidegoŋ hatakdi, be kougoŋ mintawaakdi, be nemek saŋiniŋnitdi, ³⁹be nemek wahiniŋ fowaakdi, be kumaŋkadeniŋ labaakdi, nemek wendi be wendi, Bepaŋ'walaŋ welesiloŋ gineniŋ tuwot mu nihikibidalaak. Welesiloŋ uyadi Wapumnik Jesu Kilisto doktiŋa nimilak.

Pol adi noliŋye Juda metamdok bulaniŋgoŋ kisaŋ nadiguk

9 ¹Nu Kilisto'walaŋ medi yalaŋ moŋ, mede biyagoŋ yobe nadiŋeŋ. Uŋgoŋiŋ Munabulidi walane tubulodaune mede i kasop tiŋa hanimit. ²Indiiŋ, nu helemahemaŋ bulaniŋgoŋ folooŋ hinek nadiwene walane kisaŋ figitalak. ³Biyagoŋ hinek kuyoŋ, Judahi metam, notneye eŋ naŋgat dikineye, aditok tiŋa na Kilisto bikabuŋa hamdok gigit tibene adibo nu'walaŋ kwatne koŋ titiŋdok nadilat, iŋgoŋ oŋ. ⁴Adi yadi Isilaehi metam, ala Bepaŋdi netok yabukahileguk, unduŋ tiŋa ne'walaŋ saŋiniŋ eŋ hautaŋiŋ yehititiŋeneguk. Eŋ adut mede yofolok tiŋa Yodoko Mede yenimbihikuk. Tiŋa kap yotneŋ bopneeŋ ne niutumbadok taliŋ maŋ yenindidimeguk. Unduŋ tiŋa gigitmede momohi yemguk. ⁵Eŋ adi'walaŋ dadahiye indiiŋ hatigiŋ: Abalaham, Aisak, eŋ Jekop heki. Ala adi'walaŋ yalakihiye hatilune Kilisto adi me namandap tiŋa adi'walaŋ lekiŋgoŋhik

foloŋ mintaguk. Biyagoŋ hinek kuyoŋ, adigoŋ nemenemek hogohogok wendiniŋ Wapum hatilak. Unduŋ doktiŋa Bepaŋ helemahelman youdihinit niutumbadok. U Biyagoŋ.

Bepaŋ'walaŋ gigitmede gineŋ mintagiŋ adi netok gigit

⁶Nemek unduŋ mintaguk doktiŋa Bepaŋ'walaŋ mede gweheye tuguk mu yodok. Adi indiŋ, Isilae'walaaniŋ mintagiŋ hogohogokdi Isilae metam hinek mu hatigiŋ. ⁷Eŋ Abalaham'walaŋ dikiniye adi wapmihiniye hinek maan mu mintadapmagiŋ. Unduŋ degoŋ tiŋa mede indiŋ niŋguk. "Aisak'walaŋ yalakiŋiye hogokdi dutok gigit tubudapmaneeŋ." ⁸Mede wendiniŋ mebi indiŋ hatak. Kwetfoloŋ metam indi mintayam talik unduŋ foloŋ mintagiŋ hogohogokdi wanaŋ Bepaŋ'walaŋ metam mu mintadapmagiŋ. Gigitmede talik foloŋ mintagiŋ adi hogok Abalaham'walaŋ yalakiŋiye foloŋ tigiŋ. ⁹Gigitmede indiŋ yoguk. "Gulet niŋ dapmaune Sela adi mihi niŋ nagila kameeŋ hatilune nai uŋaniŋ kotigoŋ baat."

¹⁰Tiŋa u hogok moŋ. Lebeka'walaŋkade maan undugoŋ mintaguk. Adi dadanik Aisak dut hatiŋa katapdok mihiwele tuguk. ¹¹⁻¹²Ala indiŋ kuyoŋ. Mihiyat katap adi mu mintagumuk, be mintaŋ titiŋ kedem be kadakaniiŋ mu tulune Bepaŋdi aditok indiŋ niŋguk. "Tuwodi monadok tipilapilaye timimbaak." Ala uyadi indi'walaŋ titiŋnik wondoktiŋa moŋ, ne nadilak wondok tuwolit nihiamanelak. Woŋ adi Bepaŋ ne'walaŋ mededi fafaŋedok nadisuŋa mihiyat u yehidaneŋ mede u yoguk. ¹³Biyagoŋ kuyoŋ, unduŋ doktiŋa mede niŋ indiŋ hatak. "Jekop adi walanedi hinek kahile tilat, eŋ Iso adi walanedi kakwihita tilat."

Bepaŋ adi ne'walaŋ welekulema doktiŋa nihitubu-lodalak

¹⁴Unduŋ doktiŋa indiŋ be yodok? Bepaŋ'walaŋ mede yotubudidime u hogoli be? Unduŋ moŋ. ¹⁵Adi yadi Moses mede indiŋ niŋguk. "Nu adi meeniŋ niŋ welesiloŋ timindok nadilat adi welesiloŋ timimbaat, eŋ meeniŋ niŋ bulanigoŋ nadimiŋdok nadilat adi bulanigoŋ nadimimbaat." ¹⁶Unduŋ doktiŋa meeniŋ indi'walaŋ nadisu be saŋiniŋ hatnimilak wondoktiŋa mu nihidanelak. Adi Bepaŋ'walaŋ welekulemaniŋ doktiŋa nihidanelak. ¹⁷Bepaŋdi Mapme Felo mede niŋguk, wendok Bepaŋ'walaŋ Youkudip Mede gineŋ indiŋ youkiŋ. "Biyagoŋ kuyoŋ, nu du'walaŋkade kwanai tiŋa saŋiniŋne miŋgoŋ tubumintawene wotnenegigitdi kwetkwet uuŋdok nadiŋa mapme gapmegut." ¹⁸Unduŋ doktiŋa Bepaŋdok indiŋ nadiyaneem. Bepaŋ adi meeniŋ niŋ welesiloŋ timindok nadiŋa welesiloŋ timilak. Eŋ meeniŋ niŋ weler tubufila tubukwambundawe nadiŋa tubufila tubukwambundalak.

¹⁹Kaŋ hidi'walaaniŋ niŋdi indiŋ binek nanimbek, "Bepaŋ adi undugoŋ tilak doktiŋa maŋgande kadakaniiŋnik diniŋ kibikoŋ malabumuŋ nimdok

yolak? Adi nemek niŋ titiŋdok yobune meeniŋ indi nihep titiŋdok tuwot moŋ.”²⁰ Meeniŋ du’walaŋ saŋiniŋ dedinŋ hinek hatakdi Bepaŋdok mede yobune tuwot tibek! Kwetkabetdi dedinŋ tiŋa molom tutumba tuguk indinŋ nimbek, “Du maŋgande indiniŋ nehitudumbaguŋ?”²¹ I nadiŋeŋ! me kwetkabet kwanai tilak adi namaŋ wendigoŋ kabot noli meeniŋdok eŋ noli kale kamodok tutumbaune tuwot mube tibek?

Bepaŋ adi welenŋdi nibukahile hinek tibaak

²² Kaŋ Bepaŋ adi kougoŋ kwihitaŋinŋ dininŋ mebi tubumintaŋ wketkabet u ulitawakutdok nadihebet tubune hatak. Meeniŋ mik tiyemiŋa saŋiniŋinŋinŋ miŋgoŋ tubumintadok nadilak, iŋgoŋ fiit welekulema tiyemiŋa baigoŋ yabudokotalabulak. ²³ Fukuŋ e indinŋ, adi unduŋ tiŋila ne’walaŋ wougigit hautanit eŋ saŋiniŋinŋinŋ uŋgoŋinŋ hinek u miŋgilaŋgoŋ tubuhautanimilak. Indi adi welekulemaŋinŋdok gigit tiyam doktiŋa unduŋ tinimiŋa adi’walaŋ wougigit hautanit nimdok nihitiulidokoguk. ²⁴ Ala woŋ adi Juda metam hogok moŋ. Metam noli feknit mokit adi wanaŋ welekulemaŋinŋdok gigit yoŋa ninihamanelak. ²⁵ Unduŋ doktiŋa Polofet Hosea’walaŋ pepa gineŋ medeŋinŋ indinŋ hatak. “Metam koom yanagila manamaneye mu yeniŋgut iŋgoŋ oŋ, kobuk agaŋ manamaneye yenimbaat. Eŋ koom walanedi mu kahilegut adi indinŋ nimbaat, ‘Nu walanedi hinek gabukahilelat.’ ”

²⁶ Tiŋa indinŋ mintawaak.

“Tiŋa koom dibek yali indinŋ yeniŋgut, ‘Hidi nu’walaŋ metamneye moŋ,’ kwet uŋgoŋ hinek yali koti indinŋ yenimbaat, ‘Hidi Bepaŋ Hatihati Molom, na’walaŋ wapmihineye.’ ”

²⁷ Tiŋa Aisaiyadi Isilae metamdok indinŋ kutifiyeguk,

“Isilaehi’walaŋ yalakihiye adi yadi kiŋ imenŋwaŋ gagayeŋ ikiinŋ wendok tuwot ulihakaneenŋ, iŋgoŋ oŋ, lufom-kabe hinek yabukahileenŋ yahaŋewaak. ²⁸ Wapum adi kwetfoloŋ iŋoŋ yodapmaŋ medeŋinŋ agaŋ yodapmaguk, wendiniŋ foloŋ pilap hinek eŋ saŋiniŋnit tubumintawaak.”

²⁹ Aisaiyadi koom mede indinŋ niŋ yoguk,

“Wapum, Saŋiniŋ Molomdi metam faki-kabe nemu biyabune hatine tigiŋ binek adi Sodom gut Gomolahi’walaŋ mintaguk wendok tuwot kadakadapmayanim.”

Isilae metam nolidi nadisukiliti mu tigiŋ

³⁰ Ale i dedinŋ yodok? Indinŋ. Metam fekhinit mokit adi utumbaŋ Bepaŋ namanda foloŋ metam didimehi titiŋdok gicine mu tigiŋdi utumbaŋ metam didimehi tigiŋ. Biyagoŋ kuyoŋ, Jesu nadisukilitimiŋa utumbaŋ Bepaŋ namanda foloŋ metam didimehi tigiŋ. ³¹ Kaŋ Isilae metam adi yadi Yodoko Mede’walaŋ mede tiloloŋ tiŋa utumbaŋ metam didimehi

titiŋdok gicine tigiŋ iŋgoŋ Yodoko Mede u kisaŋ tubumalabudagiŋ. ³²Maŋgande tubumalabudagiŋ? Adi yadi nadisukiliti tiŋa moŋ, hogok titiŋhikdi didimeniŋ tiŋa utumbadok yohatiyagiŋ. Unduŋ tiŋa kawade kayohik youtigiyemdok talipmeŋ itakneŋ uŋgoŋ youtigiyem tigiŋ. ³³Indiŋ youliŋjit hatak.

“I nadiweŋ! Nu Saiyon uŋgoŋ kawade niŋ kambiitat wendok foloŋ kayohik youtigiyemneŋ maŋ udihiwaak. Kaŋ nediyeŋ adi nadisukilitimimbaak adi yadi nebek niŋdi nintubumeka mu tibaak.”

Jesu hogok nadisukilitimiŋa kedebadok

10 ¹Notneye, Juda metam adi Bepaŋdi kotigoŋ yanagilaak, walanedi unduŋ hinek nadiŋa Bepaŋ ninadi hati tilat. ²Adi yadi Bepaŋ’walaŋ mede didimeniŋgoŋ kamehatidok gicine tihatiŋ u agaŋ yabulat ale yolat. Iŋgoŋ oŋ, woŋ adi Bepaŋ’walaŋ nadinadi diniŋ mebi didimeniŋgoŋ mu nadidakaleeŋ tihatiŋ. ³Adi Bepaŋdi yomnik dapmaune metam didimehi titiŋdok talik tubumintaguk hatnimilak u sigilulum timiŋa nehigoŋ fafaŋe tiŋa utumbaŋ didimedok yoŋa gicine tiŋa kwanailleŋ. Unduŋ tiŋa Bepaŋ didimeniŋ molom’walaŋ mede mu nadiiŋ. ⁴Kilistodi metam indi ne nadisukilitimiŋa Bepaŋ namanda foloŋ metam didimehi titiŋdok yoŋa Yodoko Mede diniŋ talik yaliheguk.

⁵Eŋ Mosesdi mede niŋ indiŋ youkuk. Meeniŋ niŋdi Yodoko Mede takaliŋa didimedok nadilak adi yadi Yodoko Mede faki-kabe nemu bikabaak, wanakaŋ hogohogok takalidapmaŋ hatihati kahilewaak. ⁶Eŋ nadisukiliti foloŋ didimedok mede adi indiŋ hatak. Du walagedi indiŋ mu yobaŋ, “Nediyeŋ kunum gineŋ looŋ Kilisto nagila fowaak?” ⁷be “Nediyeŋ ham gineŋ fooŋ Kilisto kumuŋ kwetneŋ hatak nagi labaak?” ⁸Unduŋ moŋ, Bepaŋ’walaŋ Youkudip Mede foloŋ indiŋ yoŋit hatak.

“Bepaŋ’walaŋ mede uyadi kweetniŋ mu hatak, uyadi medege yoyo foloŋ eŋ nadisuge gineŋ kamenjit hatak.”

Woŋ adi nadisukilitidok mede hanihehitubu-didime tiyam wendoku yoŋit tilak. ⁹Indiŋ yobune tuwot tibek. Jesu adi Wapumne, u mede yoyoge foloŋ halaak, eŋ Bepaŋdi Jesu kumuŋ gineniŋ tubukaikanimguk, u welegedi nadisukilitiŋa kedebaŋ hatihati kahilewaŋ. ¹⁰Diki indiŋ hatak. Welenikdi Jesu nadisukilitimiŋa metam didimehi titiŋdok eŋ manikdi adi nadisukilitimiyam, u yohautane kotigoŋ ninigitak. ¹¹Ale wendegoŋ tiŋa Bepaŋ’walaŋ Youkudip Mede gineŋ indiŋ youliŋjit hatak. Meeniŋ niŋdi adi nadisukilitimimbaak adi yadi nebek niŋdi nintubumeka mu tibaak. ¹²Juda metam bek be metam Judahi’walaŋ feknit mokit indi daneŋ molomolom mu tam. Ne kubugoŋdi Wapumnik hatinimdapmalak. Tiŋa metam hogohogok yehitubu-lodadok ninadiiŋ adi momooŋ hinek yehitubu-lodalak. ¹³Biyagoŋ hinek kuyoŋ, undudegoŋ tiŋa indiŋ

yonjit hatak. Wapumdi yehitubu-lodadok nadiņa ne'walaņ wou gineņ ninadineņ adi Bepaņdi kotigonę yanagilaak.

¹⁴Ninadi u adi mu nadisukilitimiņęiņdi dedię tiņa ninadineņ? Bepaņ nadisukilitimiņ maaņ undugonę, adi'walaņ mede mu nadiiņdi dedię tiņa nadisukilitiminenę? Bepaņ medeņię nadinadi uyadi nebek niņdi mu yenimbihilune nehi dedię tiņa nadineņ? ¹⁵Me Bepaņ'walaņ Mede Momooņ yohautadok mu nobu yenįkulune uneņ kaņ nediyenę wooņ Mede Momooņ u yohautawek? Biyagonę kuyonę, uņalegonę tiņa indię youliņit hatak. "Bepaņ'walaņ Mede Momooņ moņgola biię u yabuņa nadifo tiię."

Bepaņdi Judahi yahaņedok kwanai tubune mu lodaginę

¹⁶Bepaņ'walaņ Mede Momooņ u Judahi nolidi nadiņa mede tilolonę mu tigiņ. Aisaiyadi indię maaņ yoguk. "Wapum, du'walaņ mede yohautagumun u nediyenę nadisukilitiguk?" ¹⁷Unduņ doktiņa indię yodok. Nadisukiliti adi Kilisto'walaņ mede nadiyam diniņ foloonę. Kaņ mede nadiyam uyadi meeniņ niņdi Kilisto'walaņ maņię mede tiņa yohautaune nadiyam. ¹⁸Kei! unduņ doktiņa indię yonadilat. Adi Bepaņ'walaņ mede mu nadiginę be? Unduņ moņ ale.

"Mahik gigilitdi kwetkwet tokiguk. Eņ medehikdi kwet dikineņ usuwaguk."

¹⁹Kaņ kotigonę indię yonadilat. Isilae metam adi didimeningonę mu binek nadidakalegiņ? Unduņ moņ, adi timeņ Mosesdi youkuk u yobit.

"Nu mebop hatifit tigiņ yanagile Judahi hidi hehikalakapmeune welehek kadakawaak. Eņ nu mebop nadidakalehinit mokit yanagile hidi kwihita tineņ."

²⁰Mindaņkade Aisaiyadi mede malabumuņ niņ indię youkuk.

"Mu nolohi hatigiņdi nehitubu-mintagiņ, eņ nutok mu yohatigiņ adi'walaņkade mintadakaleyemgut."

²¹Tiņa Isilae metamdok adi Bepaņdi Youkudip indię tiyemguk.

"Nu helemahemaņ metam fokohinit eņ mede wobuwobuhinit adi buneņ yoņa kohowai kuyemiņila woomyemilat."

Isilae metam feedi welekwambuņ tulune Bepaņdi noli hogok yabukahileguk

11 ¹Unduņ doktiņa yonadilat. Bepaņ adi metamņiye biyabuguk be? Moņ, unduņ mu tuguk. Nu na Isilae me iņgonę, Abalaham diniņ yalaki eņ Benjamin diniņ diki. ²Bepaņdi metamņiye koomkwaha yabukahileguk uyadi mu biyabuguk. Kaņ hidi Ilaija'walaņ mede kahat Bepaņ'walaņ Youkudip gineņ hatak u mube kunali nadiiņ? ³Adi Isilaehi metamdok yokwihita tiņa Bepaņ indię niņguk.

"Wapum! Adi yadi polofetgeye udihikumunędapmaaņ, dutok silonę titiņ diniņ alta ulitawakuiņ. Kaņ nu na kubugonę hatiluwene nu maaņ nulukumunędok yoię."

4 Unduŋ yobune Bepaŋdi mede dedinŋ tubu-udaneminguk?

“Nu me 7 tausen yabukahilewene Bal mu duwokeneminginŋ.”^c

5 Kaŋ nai indinde undugoŋ, Bepaŋdi siloŋ tobogoŋ tiŋa Judahi noli yehidaneenŋ yabukahileguk hatiinŋ. 6 Ala woŋ adi siloŋ tobogonŋinŋ doktiŋa unduŋ tiyemguk. Eŋ nehi kwanai momooŋ tigiŋ doktiŋa moŋ. Unduŋ tibe tuguk binek adi siloŋ tobogonŋdi folooŋnit mokit tibe tuguk.

7 Ale dedinŋ? Isilaehi metam adi nemek folooŋ tubumintadok yoginŋ u mu tubumintaginŋ. Yehidaneenŋ yabukahile tuguk hekidi hogok kaginŋ. Eŋ noli hogohogok adi yadi welehiŋ teheyem tubune mu kaginŋ. 8 Unduŋ dogoŋ tiŋa indinŋ youkinŋ hatak.

“Bepaŋ adi welehiŋ tubufit tuguk, dauhiŋ tubuhipmakaguk eŋ magihik suwabuŋ tuguk. Unduŋ tiyembu hatiginŋdi indinde undugoŋ hatiinŋ.”

9 Kaŋ Dewit adi indinŋ yoŋa youkuk.

“Nu adi indinŋ mintayemdok nadilat. Adi hinamuni tiŋa tonadifo hatulune yolibaŋgip tomyembune boho tineenŋ, eŋ kawade foloŋ kayohik youtigiyemneŋ maŋ udihiwaak. Unduŋ tiŋa yomhidok kibikoŋ mintayembaak. 10 Kaŋ du dauhiŋ yehitubu-sipmakaune dauhipmik tineenŋ. Eŋ sigihik wobugenimbaune sigidimindimit tiŋa hatiyaneeŋ, dapmandapmaŋnit mokit.”

Bem olif miminiŋ taŋeniŋ foloŋ olif moiniŋ tomboyoliŋit

11 Unduŋ doktiŋa indinŋ yonadilat? Isilae metam adi boho tiŋa maŋ udihikumundok-kube unduŋ tuguk? Unduŋ moŋ, adi yadi tubulodahik sigilulum timimbune metam Judahi'walaŋ feknit mokit hatiginŋ, aditok gigit tuguk. Woŋ adi metam Bepaŋ'walaŋ feknit mokit adi nadiune Isilae metamdi yabuŋa nadigalikaŋ wele tubutakale titinŋdok unduŋ mintaguk. 12 Juda metam'walaŋkade yomdi talik teheyemulune kwetkwet Bepaŋ'walaŋ mededi duhuduhu wapum mintaguk. Tiŋa adi'walaŋ gweheyehikdi metam fek mu tigiŋ adi'walaŋkade wahu kahaŋ wapum mintaguk. Ala kaugoŋ hatigene Juda metam feedi welehiŋ tubutakaleune adi'walaŋkade wahu kahaŋ uŋgoninŋ loloŋnit hinek mintawaak.

13 Judahi'walaŋ feknit mokitdi Jesu nadisukilitimiinŋ, hidi mede i hanimbene nadineŋ. Nu metam Judahi'walaŋ feknit mokit hiditok aposel hatilatdi hidi'walaŋkade kwanaineenŋ nadiwene uŋgoninŋ hinek tilak. 14 Uyadi naŋgat dikineye yehitubu-lodawene adi'walahi nolidi hidi'walaŋkade hatihati fofooŋ mintalak u kaŋ nadigalika tiŋa utumbaneenŋ yoŋa unduŋ tilat. 15 Bepaŋ adi Isilae metam yehikelekulune kwetkwet indi Bepaŋdut welekubugoŋ tugumun, wondi hatigene kaugoŋ kotigoŋ yanagilaak kaŋ wondok nadinene momooŋ hinek tubune kumuŋ

^c 11:4 Bal adi bepaŋ yalayalaŋ nin'walaŋ wou.

gineniŋ kaikaan pilapilat nabugon tibaak. ¹⁶Kwanai gineŋ nanaje foloon timen mebinen tububihila mintalak u kahan tinene noli hogohogok u wanakan sidokodapmalak. Noli indin, bem kokoidi Bepandok tilak, doktiŋa taŋeniŋdi maan undugon Bepandok tilak.

¹⁷Bepandi taŋeniŋ noli filopmadikut tiŋa aditok kayonkon olif moihi behepnen mintagiŋ wondiniŋ taŋehi hidi hehitomboyokuk. Kan olif kokoi diniŋ gumamum en galikidi hehitoilune ¹⁸hidi taŋehi komihidok nadihaninda tiyemiŋa hidetok nadiu loloŋnit mu tuluwaak. Unduŋ tineeneŋ ala indin nadineŋ. Hidiyeŋ kokoi yemtoi mu tiin, adi tobo kokoidi hidi hamtoin. ¹⁹Yobene kibi tobo indin binek yoneŋ. Bepandi indiku nihitomboyulene taŋehi komihi yehifilopmadikukuk. ²⁰U kedem yoin inŋon on, adi yadi nadigweheyehik doktiŋa yehifilopmadikukuk, en hidi yadi nadisukilitihik doktiŋa adi'walaŋ kwehikon gineŋ yatiin. Unduŋ doktiŋa sigihik tiŋaloon hidetok nadiune loloŋnit mu tibaak, adi tobo munta tiŋa Bepan gikingon timiyaneen. ²¹Bepan adi olif ne'walaŋ taŋeniŋ filopmadikut tuguk. Unduŋ doktiŋa hidi foko tineen adi hidi maan undugon hehifilopmadikulaak. ²²Ale hidi welekulemaŋindok be fafaŋeŋindok kaule mu tineen. Fafaŋeŋin diniŋ mebi u nadigweheye tigin adi'walaŋkade tubumintaguk. En welekulemaŋin diniŋ mebi adi hidi'walaŋkade mintaguk. Unduŋ doktiŋa hidi adi'walaŋkade woon kadiŋa hatibune welekulemaŋin kedem mintahambaak. En unduŋ mu tineen adi hidi maan hehifilopmadikutdok. ²³Tiŋa taŋeniŋ komihi adi welehik nobu tubutakaleneen adi Bepan ne kotigon yehitomboyoutdok saŋiniŋ halimilakdi kedem yehitomboyoulaak. ²⁴Kan olif moiniŋ hanagila olif miminiŋdut hehitomboyokukdi kotigon olif mimihi hinek ne'walaŋ taŋeniŋŋiye yehitomboyoutdok yonŋ kwanai wapum mu tibaak. Won adi nainit mokit pilap hinek yehitomboyoulaak.

Judahi adi kougon hatigene Bepan'walaŋ welesilon kahileneen

²⁵Notneye, hidi mu nadidakaleen hide'walaŋ nadinadihik ulihiŋa sigitiŋalo tineeneŋ ale mede hebiŋin i hanimbihilit. Isilae metam nolidi welekwambuŋ tiŋa hatilune metam Judahi'walaŋ feknit mokit feedi wele tubutakale tiŋa Bepan'walaŋ mede nadidahi tineen. ²⁶Unduŋ tiŋa kunakunathikdi tuwot hinek tubune mindaŋkade Isilae metam wanakan kedebadapmaneen. Biyagon kuyon, indin youkiŋ hatak.

“Saiyonniŋ tubukedeba me niŋ mintaŋaŋ Jekop yalakiŋiye'walaŋ mede wobu diniŋ titiŋ tumolokulaak. ²⁷Unduŋ tubune nu kadakaninŋhik youtekutdok adut mede yofolok kotigon tibaat.”

²⁸Isilae metam adi Jesu'walaŋ Mede Momoondok sigilulum timiŋa Bepan mik timiŋin, kan wendi metam Judahi'walaŋ feknit mokit hidi hehitubu-lodalak. Inŋon on, Bepandi dadahiye yehitubu-dakaleguk doktiŋa weleniŋdi yabukahilelak. ²⁹Bepandi adut mede yofolok tiŋa

yeniyehimaneguk u mu gweheyewaak. ³⁰Metam Judahi'walaŋ feknit mokit hidi yadi koomkwaha mede wobu tiŋa hatigiŋ. Ala mindaŋkade Isilae hidibo mede wobu tigiŋ, unduŋ tiŋa hatilune Bepaŋdi welekulemaŋiŋ doktiŋa siloŋ tobogoŋ tihamguk. ³¹Tiŋa kobuk Bepaŋdi siloŋ tobogoŋ tihamulak undugoŋ hinek Judahi metam mede wobu tigiŋ doktiŋa adi maanŋ siloŋ tobogoŋ tiyembaak. ³²Bepaŋ adi metam hogohogok wanakaŋ siloŋ tobogoŋ tiyemdok nadiŋa biyabune nehi'walaŋ mede wobu diniŋ geyemdi yehi-ibikilitiguk.

Bepaŋ'walaŋ titiŋŋiŋ eŋ medeŋiŋ doktiŋa Poldi niutumbaguk

³³Hidige! I nadineŋ! Bepaŋ adi medeŋiŋ diniŋ duhuduhu eŋ nadisufuliŋgoŋ eŋ nadidakale eŋ nadinadiŋiŋ wapum halimilak. Mede yodapmaŋ tilak diniŋ mebi u meeniŋdi tuwot mu nadidok. Be kwanai titiŋŋiŋ diniŋ taliu u meeniŋdi kakaŋdok tuwot mu tilak.

³⁴Wapum'walaŋ weleŋ gineŋ mede hatak u me nediyeŋ nadiguk, be mede yolune me nediyeŋ tubulodaŋ yoguk. ³⁵Be me nediyeŋdi nemek niŋ koom miŋguk doktiŋa kibibo mimbaak.

³⁶Nemek hogohogok uyadi, adi'walaaniŋ bulak, eŋ adi'walaŋkade ulodiŋa hatak eŋ adi'walaŋkade udapmalak. Unduŋ doktiŋa yonadifo hogohogok u adi'walaŋkade tomboyoutnit hatuwaak. U biyagoŋ.

Hidi kaipmuŋ hatiŋila foloohik Bepaŋdok siloŋ timiyaneŋ

12 ¹Notneye, nu Bepaŋ welekulemaŋiŋ doktiŋa mede indiŋ haniŋgiginewe nadineŋ. Hidi adi foloohik kaipmuŋ hatihatinit hatiŋila Bepaŋdok siloŋ uŋgoŋiŋ hinek timimbune adi kaune utumba tuluwaak. Unduŋ tiŋa welehiŋdi hinek Bepaŋ niutumbaune tuwot hinek tibaak. ²Tiŋa hidi'walaŋ hatihatihikdi metam nadisukilitihinit mokit hatiŋ wondok tuwolit mu hatiyaneŋ. Hidi yadi Bepaŋ kahileune welehiŋ be nadinadihiŋ tubutakaleune folonamandap uŋgoŋiŋ tubune Bepaŋ'walaŋ nadihebet didimeŋgoŋ u nadidakalehinakaŋ takaliyaneŋ. Bepaŋ'walaŋ nadihebet adi titiŋ momooŋ, eŋ titiŋ Bepaŋdi nadiune tuwot hinek eŋ didimeniŋ hinek tilak.

Bepaŋdi siloŋ molomolom nimguk wondok tuwot kwanainik tiyaneem

³Bepaŋ ne siloŋ tobogoŋ tinamuŋa kwanaiŋiŋ timindok nehitubudakaleguk doktiŋa hidi wanakaŋ hogohogok indiŋ hanindakalewe nadineŋ. Nebek niŋ adi netok nadiune lolooŋnit hinek mu tuluwaak. Bepaŋdi siloŋ tobogoŋ dediŋ timimbune nadisukilitilak wondok tuwolit kwanai tuluwaak. Fekniŋ kalakapme tiŋa mu tibaak. ⁴Unduŋ doktiŋa indiŋ nadineŋ. Folooniŋ kobumuŋ kubugoŋ, ala adi'walaŋ dikidikiŋiye feedi kwanai-mebimebi tiŋ. ⁵Kilisto'walaŋkade maanŋ undiniŋgoŋ, feedi kiutnene folooŋ kobumuŋ kubugoŋ tilak. Unduŋ tiŋa kayoŋ kohoŋ be

dikidiki noli hatiŋjila kiulihi tiyam. ⁶Silonŋ tobogonŋ Bepaŋdi kwanai-mebimebi silonŋ timiŋguk. Ala me nediyenŋ Bepaŋ'walaŋ maŋiŋ mede yohautadok silonŋ timiŋguk adi yadi nadisukiliti halimilak wondok tuwolit yoluwaak. ⁷Kaŋ niŋ adi tipilapilaye kwanai titiŋdok silonŋ timiŋgukdi kwanai u tuluwaak. Kaŋ niŋ adi yeniyehitubu-didime kwanai titiŋdok silonŋ timiŋgukdi kwanai u tuluwaak. ⁸Enŋ niŋ adi munte mede yodok silonŋ timiŋgukdi unduŋ yoluwaak, enŋ metam baniŋ tiŋ yehitubu-lodalak adi tuwot hinek yemuluwaak, enŋ niŋ adi talitimenŋ hatidok silonŋ timiŋgukdi nadidakaleenŋ gigne tiŋa tuluwaak, enŋ niŋ adi metam nolidok bulaninŋgonŋ nadiyemiŋa yehitubu-lodalak adi kwanai u nadifo folonŋ tuluwaak.

Me hekinolit momoonŋ hinek hatidok

⁹Welesilonŋ kibikibi uyadi sigihikdi mu tiyaneenŋ. Hidi yadi nemek hogoli sigilulum timiyaneenŋ, enŋ nemek kedemnenŋkade woonŋ galiyaneenŋ. ¹⁰Hidi yadi menot foloonŋ hinek tiŋa hatiyaneenŋ, enŋ nohiyedok nadiyembune loloŋnit tuluwaak. ¹¹Gweheye lakatanit mokit fafaŋe tiŋa yakaneenŋ. Munabulidok adi welehik kolonŋgonŋ yatuwaak. Unduŋ tiŋa Wapum tipilapilaye timiyaneenŋ. ¹²Unduŋ tiŋa nadifo folonŋ nadikunakunale tiyaneenŋ. Enŋ folofigita be bulaninŋgonŋ nai ginenŋ welehik kulemaŋgonŋ hatiyaneenŋ. Unduŋ tiŋjila ninadi kwanai tomboyoutnit tiyaneenŋ. ¹³Unduŋ tiŋjila Bepaŋ'walaŋ metamdi nemek niŋdok baniŋ tubune yabuŋa yehitubu-lodayaneenŋ. Enŋ me nalum buune momoonŋgonŋ tiyemiŋa yabudokoyaneenŋ.

¹⁴Enŋ fidihiŋa hehikali tineenŋ adi yadi kahaŋ tiyemaneenŋ. Hidi mahikdi medehaki mu yoyaneenŋ, tobo kahaŋ mede hogok yoyaneenŋ. ¹⁵Unduŋ tiŋa nohiye nadifo tiyaneenŋ u yehitubu-lodaanŋ nadifo tiyaneenŋ. Be nohiye makunum tiyaneenŋ u yehitubu-lodaanŋ makunum tiyaneenŋ. ¹⁶Unduŋ tiŋa nemek kubugonŋdok welehik kiut tiŋa tiyaneenŋ. Tiŋa hide sigitiŋalo mu tiŋa metam fofonŋhinitdut nemenemek hebet kubugonŋ kameenŋ tiyaneenŋ. Tiŋa undugonŋ, hide'walaŋ nadinadihikdok nadiune kisaŋgonŋ mu loluwaak. ¹⁷Enŋ kadakaninŋ tihambune kibikonŋ mu tubu-udaneyemaneenŋ. Hidi yadi tobo metam hogohogok dauhik ginenŋ titiŋ didimeninŋ hogok tiyaneenŋ. ¹⁸Biyagonŋ kuyonŋ, hidi metam noli hogohogok dut menot momoonŋ tiŋa hatidok talik kedem halune kaŋ talik uŋakonŋ keleenŋ hatiyaneenŋ. ¹⁹Notneye, yomhik hidi hide mu tubu-udaneyaneenŋ. Adi Wapum'walaŋ kwihitadok kameune hatuwaak. Biyagonŋ hinek kuyonŋ, mede indiŋ youkiŋ hatak.

“Yom tubudapmaŋ u nu'walaŋ kwanai, enŋ kibi toboninŋ wobuwobu wadi nagonŋ tibaat, Wapum adi unduŋ yolak.”

²⁰Unduŋ doktiŋa hidi yadi indiŋ tiyaneenŋ. Memikge nanaŋe map tubune nanaŋe mintoi tibaanŋ. Ime map tubune ime mintoi tibaanŋ. Du

unduj tubune adi ne'niñ titiññiñ kadakanij u kañ kisañ mekawaak.
 21 Kadakanijdi du mu gehitiñafowaak. Moñ! Du yadi nemek momoon
 tiña kadakanij ulatiña fowaañ.

Gapman heki'walañ mede

13 ¹Metam hogohogok hidi wanakañ gapman heki'walañ mede tagimneyaneñ. Gapman kwanai uyadi Bepañ'walaaniñ. Biyagoñ kuyon, gapman kwetkwet hatitawiin adi yadi Bepañ'walañ medeñiñ doktiña mintaan hatitawiin. ²Unduj doktiña nebek niñdi gapman heki'walañ mede wobu tibaak adi Bepañ'walañ mede maangoñ wobaak. Ale mede wobu tineñ adi yadi mede wobuhikdok kibikon moñgotneñ. ³Eñ hatihati be titiñhik momohi adi yadi gapman hekidok munta mu tiin. Kadakanij tiin heki adigili muntain. Unduj doktiña du muntanit mokit hatibene kañ titiñ kedem hogok tuluwaan. Ale du nemek kedem hogok tubune adibo dutok nadiune tuwot tibaak. ⁴Biyagoñ kuyon, gapman heki adi Bepañ'walañ tipilapilaye-metam ala yahehewe tigambune kulemañgoñ hatidok yapmeguk. Ala du kadakanij nobu tiña kañ munta tuluwaan. Adi yadi kwadi moñgoyaufit mu tiin. Adi yadi Bepañ'walañ tipilapilaye-meñiye ale kadakanij titiñ yehitubu-didimeñ kadakanijhikdok kibikon yemiin. ⁵Unduj doktiña mede tilolon hinek tiyemdok, ala u kibikon dok munta tiña moñ. Da walagedi welemulap tibaaneñ doktiña medehik tilolon tuluwaan. ⁶Biyagoñ kuyon, adi yadi Bepañdi metam yabudoko kwanai titiñdok yeninguk uku tiin, doktiña hidi takis muneñ kameñdok hanimbune kamein. ⁷Kañ hidi gapman heki hogohogok nemek yemdok yoñit wondok tuwot tiyemaneñ. Takis yemdok yeniñit adi takis yemaneñ, tipilapilaye tiyemdok yeniñit adi tipilapilaye tiyemaneñ, eñ nadiyembune loloñnit tubune gikiñgoñ tiyemdok yeniñit adi gikiñgoñ tiyemaneñ, eñ yenintilon yenuutumba titiñdok yeniñit adi yenintilon yenuutumba tiyaneñ.

Welesilon di Yodoko Mede diniñ foloon tilak

⁸Nemek fiili wondok dikihik hatak u wobudapmaune tuwot tuluwaak. Eñ nemek kubugoñ niñ adi welesilon dok diki wobudok u tuwot mu tilak. Welesilonnit hatilak adi yadi Yodoko Mede foloon kamehatilak yodok. ⁹Yodoko Mede indin yoñit hatak. Yamalam, hidi meeniñ noli dut kefile mu tidemeek, eñ du meeniñ widihikumun mu tuluwaan, eñ du kubo mu tuluwaan, eñ duye metam noli'walañ bomboñ momohi u datok titiñdok yabunadikalifit mu tuluwaan. Yodoko Mede woñ, eñ noli hogohogok wanakañ yehikiudapmaan mebiñiñ indin yoñit. "Du datok nadilañ undugoñ nokedok nadiluwaan." ¹⁰Welesilonnit hatibaakdi noliññ tubukadaka mu tibaak. Unduj doktiña welesilon di Yodoko Mede diniñ foloon tilak.

Nai indidegoŋ didimeniŋ hatidok

¹¹Hidi nai kobuk hatiyam wondiniŋ mebi nadiiŋ doktiŋa welesilon titiŋdok hanilat. Biyagoŋ kuyoŋ, damo gineniŋ sukuleeŋ pilatdok nai dulalak. Koom tububihila Jesu Kilisto nadisukilitimiŋgumun nai uŋaniŋ tutumba diniŋ nai kwehe-kweheyeniŋgoŋ hakuk. Yoŋ adi agoŋ nai didipmuŋ-kabe hinek tilak. ¹²Mambip dapmawe tulune kwet agoŋ helewene helemiŋ dobulak. Ale mambip diniŋ titiŋ kwihililiwenekula hauta diniŋ tebe bohomo eŋ kweletalak kohonik foloŋ moŋgodapmaŋdok. ¹³Hadapmo didimeniŋgoŋ hatiyam undugoŋ hatidok. Tinagalika be ime fafaŋeniŋ kisaŋ naaŋ nadibubuye titiŋ be kap miyeŋ kikanadigalika be kefile be kikakwihita be tosiwe, nemek u hogohogok yomun u mu titiŋdok, moŋ hinek. ¹⁴Indiŋ adigili titiŋdok. Wapum Jesu Kilistodi dahidahihik nabugoŋ tubune tinahukula hatiyaneŋ. Tiŋa welehik komi diniŋ siloda talik mu takaliyaneŋ.

Indi me notniye'walaŋ titiŋhik kameka mu titiŋdok

14 ¹Me be tam niŋ nadisukilitiŋiŋ gweheyen, undihi adi kayoŋbopdi menot tiyemaneŋ. Tiŋa undugoŋ nemek niŋ mu nadidakaleiŋ wondoktiŋa adut tosiwe mu titiŋdok. ²Meeniŋ niŋ adi nadisukilitiŋiŋdi tubukilitiune nemenemek kaka nalak. Eŋ meeniŋ niŋ adi nadisukilitiŋiŋ gweheyen doktiŋa kale mu naaŋ yuwoi-yuwoi hogok nalak.^d ³Unduŋ doktiŋa neeŋ nanaŋe kaka nalakdi yodakale tiŋa dokoniŋgoŋ nalak aditok nadiune fofonit mu tiluwaak. Be nanaŋe yodoko tiŋa nalakdi kaka nalak aditok nadiune kadaka mu tuluwaak. Maŋgoŋde? Adi maŋ Bepaŋdi nadimimbune utumba tilak. ⁴Ale du maŋgoŋ nadilaŋ yeŋ adi me niŋ'walaŋ tipilapilaye-meŋiŋ'walaŋ titiŋiŋiŋ diniŋ mebi yobune tuwot tibek? Adi fafaŋe tiŋa yalaak be gweheye tibaak woŋ adi wapum kadoko tilakdi nadilak. Ale adi yadi mu gweheyewaak, Wapumdi kedem tubukilitiune yalaak.

⁵Eŋ melenaidok maŋ undugoŋ, me niŋ adi melenai niŋdok yodoko tilak, eŋ me niŋ adi melenai hogohogokdok nadiune dokoniŋgoŋ mu tilak. Adi be adi, unduŋ be unduŋ tibene nadiŋa woŋadi welendiŋgoŋ hinek nadikwambundaŋ tuluwaak. ⁶Melenai kunadane tilak adi yadi Wapumdok nadiŋa tilak. Eŋ nanaŋe kaka nalak adi maŋ Wapumdegoŋ nadisuŋila Bepaŋ nanaŋedok niutumalak. Kaŋ yodoko tiŋa dokoniŋgoŋ nalak adi maŋ Wapumdok nadiŋa unduŋ tiŋila Bepaŋ niutumalak. ⁷Indi'walaŋiŋ nebek niŋdi netok mu hatilak eŋ netok mu kumulak. ⁸Indi hatiyam yoŋ adi Wapumdok hatiyam, kumukumuŋ uyadi Wapumdok kumuyam. Unduŋ doktiŋa hatiyaneem be kumuyaneem

^d 14:2 1 Kolin 8:1.

wonj adi Wapumdok tiņa tiyaneem. ⁹Biyagonj kuyonj, undonj degonj tiņa Kilisto adi kumuhi be kaipmuhi wanakanj Wapum tinimdok kumuņa kotigonj kaikaanj pilakuk. ¹⁰Ale du maņgonj nadilaņj eņ nokedok mede yodapmawenj? Be du maņgonj nadilaņdi nokedok nadiune fofonjit tibek? Indi wanakanj hogohogok Bepaņ'walaņ namanda foloņ mintanene medenik ninindapmawaak. ¹¹Indiņ-ku youkiņ hatak oņ. “Wapumdi yolak, Nu biyagonj hinek hatilat doktiņa metam wanakanj hogohogok mulelem tinamdapmayaneenj, eņ wanakanj hogohogok mahikdi indiņ yohautaneenj, Nu biyagonj hinek Bepaņ.”

¹²Biyagonj hinek kuyonj, indi wanakanj hogohogok Bepaņ'walaņkade nemenemek tugumun diniņ mebinik yobihitneem.

Me noke'walaņ nadisukilitiņij mu tubukadakadok

¹³Undonj doktiņa indi notniye'walaņ titiņhik kameka tiņa kibikoņdok mede mu yodapmayaneem. Indiņ adi kedem titiņdok. Hidi nohiye diniņ welehiķ tubufila nadikadaka tubumintayemineeneņ ala nadinadiņila hatiyaneeņ. ¹⁴Nu adi Wapum Jesu dut hatilatdi indiņ hinek nadifafaņelat. Nanaņe u be u naaņ geņgeņnit titiņdok nemu hatak. Iņgonj oņ, nebek niņ adi nanaņe kale kaka naaņ geņgeņnit titiņdok undonj yonjila fait nalak adi yadi biyagonj hinek ne'walaņ dawi foloņ geņgeņnit tilak.

¹⁵Du noke kale mu nanaņdok yolak u agaņ nadikabeleeņ adi namanda foloņ kale naaņ welemulap tubumintamilaņ doktiņa du welesiloņ mu hakamulak. Kilisto adi noke wondi maaņ kedebadok kumuņguk. Du wondok nadisuņa noke nanaņe doktiņa weleņ mu tubukadakawaaņ. ¹⁶Hidi nemek folooņ moņgola hatiiņ u metam nolidi yohaņindaneeneņ ala yabudokogonj tiņa moņgo hatiyaneeņ. ¹⁷Nanaņe kaledi Bepaņ'walaņ hebeņ foloņ Hatihati Uņgoniņ hatak wondiniņ folooņ mu tilak. Bepaņ namanda foloņ didimeniņ mintaminta, be kulema, be Uņgoniņ Munabuli'walaaniņ welenadifo, wondi nemek folooņ hinek. ¹⁸Nebek niņ adi talik u keleeņ Kilisto tipilapilaye timimbaak adi yadi Bepaņdi kaune utumbawaak, kaņ metamdi nadimimbune tuwot tibaak.

¹⁹Biyagonj hinek kuyonj, undudegonj tiņa indi yadi notniye dut welekubugonj tiņa nadisukiliti foloņ kitubuloda titiņdok gicine tiyaneem. ²⁰Du yadi nanaņe doktiņa Bepaņ'walaņ kwanai fana mu tibaaņ. Nanaņe kale adi kedem hogohogok. Ala nebek niņ du, notne'walaņ weleņ tubukadakawitneņ u agaņ nadikabeleeņ nalaņ u yadi kadakanij tilaņ. ²¹Du yadi noke'walaņ weleņ tubukadakawaaneņ ala kale be wain ime mu naune tuwot tibaak. Eņ niņ indiņ, nemek noli me noke'walaņ weleņ tubukadakawek u agaņ nadilaņdi nadikabeleeņ mu tuluwaaņ. ²²Du yadi nemek undiniņdok walage didimeniņ hatak, u Bepaņ'walaņ namanda foloņ kame hatibune da'walaņkade hogok hatuwaak. Nebek niņ adi nemek niņdok nadiune tuwot tubune weleņdi nadibedinit mokit hatibune

utumbawaak. ²³Enj nebek niŋ adi welelufom tiŋila fait nawaak adi yadi nadisukilitinit mokit tilak doktiŋa kadakanij tibaak. Nemek niŋ nadisukilitinit mokit tinene uyadi yomnit tilak.

Indetok hogok mu nadiŋa hatiyaneeem

15 ¹Nadisukiliti fafaŋeniŋ hatnimilakdi metam nadisukiliti gweheyehi yehitubu-lodaan malabumuŋhik tubulodayemdok. Indi indetok hogok adi mu nadiyaneeem. ²Indi yadi notniyedi titiŋ momoonj titiŋdok be nadisukiliti foloŋ fafaŋedok nadisuŋa yehitubu-lodayaneem. ³Indiŋ nadidok, Kilisto adi undugoŋ netok hogok mu nadiguk. Mede niŋ indiŋ youlinjit hatak. “Tiŋa du ganisuwambat tigiŋ, kaŋ yosuwambathik wondi nu foloŋ lolak.” ⁴Nemek hogohogok koomkwaha youkiŋ uyadi nai indidegoŋ nadinadi nimdok youkiŋ. Mede wondiŋoŋ nihitubu-kilitiŋa nihitubu-lodaune nemek gigit utnimgiŋ wondok nadikunakunaleŋ hatiyaneeem yoŋa youlinjit. ⁵Bepaŋ adi tubukiliti be tubulodatubuloda molomdi hehitubu-kilitiune Jesu Kilisto dut kadiŋa nadisuhik kubugoŋ kiula hatiyaneeŋ. ⁶Unduŋ tiŋila welehiŋ be mahik kiula Wapum Jesu Kilisto diniŋ Bepaŋ eŋ Beu niutumbyaneenŋ.

Welehiŋki kifolok tiŋa hatidok

⁷Biyagoŋ kuyonj, uŋalegoŋ Kilistodi hanagikuk. Undugoŋ hidi hidebo welehiŋki kifolok tubudapmaneeŋ kaŋ wendi Bepaŋ’walaŋ wougigit tubumintawaak. ⁸Nu indiŋ doktiŋa hanilat. Bepaŋ adi dadaniye Abalaham heki gigitmede folooŋ hinek yeniŋguk u folooŋnit titiŋdok Kilistodi Judahi inditok tipilapilaye kwanai tuguk. ⁹Tiŋa undugoŋ metam fekhinit mokit adi Bepaŋ’walaŋ welekulemaniŋ doktiŋa niutumbaneenŋ yoŋa unduŋ tuguk. Bepaŋ’walaŋ Youkudip pepa gineŋ mede indiŋ-ku youlinjit hatak oŋ. “Nu metam Judahi’walaŋ feknit mokit adi’walaŋ lekiŋgoŋhik foloŋ ganiutumbaanŋ woŋo youtumbawaat.”

¹⁰Tiŋa mede niŋ indiŋ hatak. “Metam fekhinit mokit heki, hidi Bepaŋ’walaŋ meŋimeŋiyedut bopneenŋ yonadifo tiyaneeŋ.”

¹¹Tiŋa niŋ indiŋ, “Metam fekhinit mokit, hidi wanakaŋ hogohogok Wapum wou nintiloneenŋ. Enj mebop feedi adi nintiloneenŋ.”

¹²Tiŋa Aisaiyadi mede niŋ indiŋ yoŋa youkuk.

“Bem mebi Jesi’walaŋ gineniŋ yalaki niŋ kadowaakdi metam fekhinit mokit Mapme Wapum tiyembaak. Kaŋ metam hogohogok aditok nadikunakunale tiyaneeŋ.”

¹³Nemek momohidok nadikunakunale molom Bepaŋ, adi nadisukilitihikdok welemomoonj be kulema tubumintahambaak. Unduŋ tubune Uŋgoniŋ Munabuli’walaŋ saŋiniŋdi miŋ-ikiliti tihambune nemek momoonj dok nadikunakunale hati tiŋ wondi hehikufulaune, wondiŋiŋ nadifodi hidi’walaŋkade tokiŋa halaak.

Poldi kwanai tuguk diniŋ mede

¹⁴Notneye, hidi welehidki hinek metam noli yabukahile tiŋ, tiŋa Bepaŋ'walaŋ mede mebi u maan kedem nadidakalehinakain. Unduŋ tiŋa hidi hide kedem kiulihi titiŋdok malabuda mu tiŋ. Nu hidi'walaŋ mebihik unduŋ hinek nadihinakalat. ¹⁵Ingoŋ fiit nu yadi Bepaŋdi siloŋ tobogoŋ tinamguk doktiŋa mede noli daulebebe youhamuŋa haniŋkilitilat. ¹⁶Jesu Kilisto adi metam fekhinit mokit hiditok Bepaŋ'walaŋ kwanai-me napmeguk doktiŋa Bepaŋ'walaŋ Mede Momooŋ u yohautanŋila siloŋyot diniŋ talitimenŋ mintaŋ hatiŋa metam fekhinit mokit yanagilene Bepaŋdok gigit tiŋ. Kaŋ Uŋgoŋiŋ Munabulidi yehitubu-walandaune Bepaŋ'walaŋ siloŋ, ne nadiune momooŋ tilak unduŋ tineeŋ. ¹⁷Nu Bepaŋ'walaŋ kwanai tilat uyadi Jesu Kilistodok tiŋa nadiwene loloŋnit tilak. ¹⁸Kwanai u nu nahogok deti tibe tugut. U moŋ. Jesu Kilistodi miŋ-ikiliti tinambune fekhinit mokit Bepaŋ'walaŋ mede nadidahi tineeŋ yoŋa manedi be kohonedki kwanai tugut. ¹⁹Nu Bepaŋ'walaŋ mede saŋiniŋnit yohautagut be Bepaŋ kunumniŋ'walaŋ kudi tugut uyadi Uŋgoŋiŋ Munabuli'walaŋ saŋiniŋ foloŋ tugut. Tiŋa Jelusalem yopmaŋneniŋ tububihila Kilisto'walaŋ Mede Momooŋ wanaŋ yohautatawene wooŋ Ililikam kwetneŋ dapmaguk. ²⁰Tiŋa noli'walaŋ budumeŋ gineŋ kwanainewaatneŋ yoŋa Kilisto diniŋ wou mu nadigiŋ, gitipmuŋ gineŋ yohautadok gigne kwanai tilat. ²¹Mede Youkudip indiŋ hatak wondok tuwolit-ku tilat oŋ. “Mede kahatŋiŋ mu tiyemgiŋ adi kaneŋ, eŋ kahatŋiŋ mu nadigiŋdi nadidakale tineeŋ.”

Pol adi Speinde wene Loma talik uunŋdok yoguk

²²Biyagoŋ kuyoŋ, nu mebi unduŋ degoŋ tiŋa hidi'walaŋkade uunŋdok youka tiŋa hatilat. ²³Hatiŋila hidi'walaŋkade uunŋdok walanedi nadisuŋila hatigut. Nai indidegoŋ adi kwet noli gineŋ kwanaine agaŋ dapmalak ²⁴doktiŋa Spein kwetneŋ uunŋdok uŋila hidi maan habudok nadisulat. Wooŋ habene hidut kiulihi tineem. Unduŋ tiŋa hatigene hidi'walahi nolidi nihitubu-lodaune Spein kwetneŋ uneem.

²⁵Nai indidegoŋ adi nu metam nadisukilitihinit yehitubu-lodawit yoŋa Jelusalemde we ulat. ²⁶Kaŋ metam nadisukilitihinit Masedoniya eŋ Akaia uŋoŋ hatiŋdi lodaan Jelusalemhi metam Bepaŋ nadisukilitimiŋ heki hambeep hatiŋ yehiulihidok muneŋ bomboŋ bopnegiŋ, ²⁷tiŋa adi unduŋ titiŋdok welehidki kulemaune unduŋ tubune utumbaguk. Metam Judahi'walaŋ feknit mokitdi Judahidok Bepaŋdi Mede Momooŋ yemguk u adi maan nadigiŋ doktiŋa toboniŋbo tubu-udaneyemdok sigiŋ diniŋ bomboŋ yembune tuwot tibek. ²⁸Ala mede yofafanehikdok folooŋ mintaguk u nagoŋ moŋgola Jelusalemde wooŋ yembe dapmaune hidi'walaŋkade uuyeŋ dapmaan Spein kwetneŋ waat.

²⁹Tiņa indin nadisulat, nu hidi'walaᅇkade wene kohombalim mu waat, Kilisto'walaaniᅇ wahukahaᅇ mohok moᅇgohamuᅇa waat.

Pol netok tiņa Bepaᅇ ninadidok yeniᅇguk

³⁰Notneye, Wapumnik Jesu Kilisto doktiņa be Uᅇgoᅇiᅇ Munabuli'walaᅇ welesiloᅇ doktiņa nu kwanai tilat wondok nehiulihia Bepaᅇ ninadidok haniᅇgiginelat. ³¹Hidi ninadiņa nehitudu-lodaune Bepaᅇdi Judiya kwetneᅇ me nadisukilitihiniᅇ mokit'walaᅇ kohohik gineniᅇ nehikibidalaak. Eᅇ Jelusalemhi Bepaᅇ'walaᅇ metam adi bombon siloᅇ tiyembaat kaᅇ wondok welemomoᅇ nadineeᅇ. ³²Mindaᅇ hinek adi Bepaᅇdi nadiune tuwot tubune nadifo foloᅇ wooᅇ hidut hatinadi tibene walane kulemawaak. ³³Bepaᅇ kulema molom adi hidut wanakaᅇ hatidapmaluwaak. U biyagoᅇ.

Poldi Lomahi noliᅇiyedok welemomoᅇ mede kameyemguk

16 ¹⁻²Nu tam notnik Fibi, Seᅇkiliya kayoᅇbopneniᅇ, aditok indin hanilat. Adi Wapum'walaaniᅇ doktiņa uᅇoᅇ usuwaune kaᅇ nemenemek momoᅇ timineeᅇ. Tiņa nemek wondok be wondok lohiņa baniᅇ tubune hidi kedem tubulodaᅇ miᅇtoi tineeᅇ. Maᅇgande, adi kibi nube, be metam noli momoᅇ tinimilak doktiņa kibibo unduᅇ timineeᅇ.

³Tiņa Kilisto'walaᅇ kwanai-metam, notneyat Piliska eᅇ Akwila yenineᅇ, nu aditok uᅇgoᅇ hati nadiyemilat. ⁴Biyagoᅇ kuyoᅇ, memalam adi nu yahehewe tinamuᅇa kumunde tugumuk doktiņa na hogok moᅇ, Kilisto diniᅇ kayoᅇbop kwetkwet hatiᅇdi maᅇ aditok welemomoᅇ nadiyemiᅇ. ⁵Tiņa metam adi'walaᅇ yohineᅇ Bepaᅇ medeᅇiᅇ nadine bopneᅇ, aditok maᅇ welemomoᅇ nadiyemulat. Eᅇ notne Epinitas, Esiya kwet dikineᅇ uᅇaniᅇdi timeᅇ hinek Kilisto nadisukilitimiᅇguk, aditok maᅇ welemomoᅇ nadimilat. ⁶Eᅇ Maliya maᅇ nineᅇ. Adi hiditok tiņa kwanai wapum tuguk doktiņa nu aditok welemomoᅇ nadimilat. ⁷Andolonaika eᅇ Yuniya yenineᅇ, adi Judame notneyat, indi yot fafaᅇneᅇiᅇ gineᅇ wanakaᅇ nipmeᅇiᅇ. Adi yadi aposel heki'walaᅇ baᅇamhik gineᅇ me nadinadihik loloᅇnit hatiņa Kilisto'walaᅇ Mede Momoᅇ nu mu nadihatiluwene adi timeᅇ nadigumuk. ⁸Wapum'walaᅇ kwanai-me, notne Ampiliyato, adi maᅇ niutumbalat. ⁹Ulubano, Kilisto'walaᅇ kwanaiᅇdodok kitubuloda wanaᅇ tugumun eᅇ notne Sitakis adi maᅇ yenineᅇ, nu aditok welemomoᅇ nadiyemulat. ¹⁰Apelis adi Kilisto'walaᅇ kayoᅇbopdi nadisukilitiᅇiᅇ kaune utumba tuguk, eᅇ Alistobula tiņa meᅇimeᅇiᅇ maᅇ yenineeᅇ, nu aditok welemomoᅇ nadiyemilat.

¹¹Juda me notne Helodion eᅇ Nasisa eᅇ meᅇimeᅇiᅇ noli adi Wapumdok gigit hatiᅇ doktiņa welemomoᅇ nadiyemilat. ¹²Tiņa tamyat Talaifina eᅇ Talaifosa adi Wapumdok tiņa kwanai kakaᅇ tamuk, eᅇ Pesis

adi maan Wapum doktiņa kwanai wapum tuguk, adi hogohogok wanaņ yeniutumbalat. ¹³Lufus adi Wapum'walaņ kwanai momooņ tilak. Adi tiņa miņ, nu aditok welemomooņ nadiyemilat. Miņ adi maane dabugoņ hinek nabudokoguk. ¹⁴Tiņa Asinjkilito, Filigon, Hemis, Patoloba, Hemas eņ nohiye yenineņ, nu adi-hekidok welemomooņ nadiyemilat. ¹⁵Eņ Filologa, eņ tam Yulia eņ Neliya eņ wiwi Olimpa eņ metam noli adut hatiņa Wapum nadisukilitimiin, adi hogohogok wanaņ yeniutumbalat. ¹⁶Ala hidebo, hidi hidetok welemomooņ nadiņa kohokukut tineeņ. Yokwetkwet Wapum'walaņ kayoņbop hatitawiin hogohogok adi hiditok welemomooņ nadihamiin.

Kilisto'walaņ mede tubufit me hekidok munte mede yoguk

¹⁷Notneye, hidi mede koom moņgokiņ u tubufihandok tiin, me undihi u yabukiyondaan adut not mu taneeņ. Me undihikuyeņ adi mede mebimebi haniņa kayoņbop ulitawa ulitawa tubumintain doktiņa menot mu tiyemaneeņ. ¹⁸Me undihi adi Wapum Kilisto'walaņ kwanai mu tiin, adi yadi nehi'niņ nadinadi hatiņa tinagalika tiin. Unduņ tiņila youtumba mede yoņa metam nadidakale hinek mu tiin yenihohoke tiņa yalamut tiin.

¹⁹Eņ hide adi Bepaņ'walaņ mede nadiņa mede tiloloņnit hatiin diniņ mede kahathik u yokwetkwet udapmaguk. Nu wondok welemomooņ nadiņa indin titiņdok hanilat. Nemek momooņdok welehiķdi nadidakale hinek tiyaneeņ. Tiņa nemek hogohi adi sigilulum tiyemiņa didimeniņgoņ hatiyaneeņ. ²⁰Bepaņ kulema molom adi yagigi moņ, denimbek-kabe aiku nadihambune Sadaņ ulatifoņ yalibitaka tineeņ. Wapum Jesu Kilisto'walaņ siloņ tobogoņdi hidi'walaņkade hatuwaak.

Menot mede eņ yokahaņ mede

²¹Timoti, kwanai noņgoņ tamut, eņ Judame notneye, Lusiyas eņ Yeson tiņa Sosipata adi hiditok welemomooņ nadihamiin. ²²Tetiya, nu pepa i Pol'walaņ maņiņ mede youliņila nu maan Wapum'walaņ wou foloņ hiditok nadisulat. ²³Gaiyus adi nu eņ Bepaņ'walaņ kayoņbop hogohogok wanakaņ nibu-ulidokolakdi maan hiditok nadisulak. Tiņa me yokwet kadoko heki'walaņ talitimen, Elasto eņ notnik Kwatas adi maan hiditok nadisuyamuk. ²⁴[Wapumnik Jesu Kilisto'walaņ siloņ tobogoņdi hidut haliwooņ hatuwaak. Biyagoņ.]^e

Poldi kwanai tugukdok Wapum niutumbaguk

²⁵Bepaņ adi Mede Momooņ yohatilat eņ Jesu Kilisto'walaņ mede yohautalat wondok tuwolit nadisukiliti foloņ hehitubu-kilitidok saņiņiņ

^e 16:24 Nadinadi-me nolidi indin yoin; Yowo 24 u Gilik mede youkiņ uņaniņ mu youkiņ. Unduņ doktiņa gimbahan gineņ youkumun.

halimilak. Bepañ hatihati fafañeniñ Molom'walañ mede kabup hebihali buguk, ²⁶ala nai indidegoñ ne'walañ mañiñ mede doktiña yohautañit, tiña undugoñ metam hogohogok wanakañ nadidapmandok Bepañ'walañ Youkudip pepa gineñ polofet hekidi yotañakiyeen youkiñ. ²⁷Biyagoñ kuyoñ, Bepañ adi nehogok nadisu-fuliñgoñnit hatilak, adi'walañkade Jesu Kilisto doktiña wou nintiloloñ tinene yonadifodi helemahemañ haliwoon halaak fafañeniñ. U biyagoñ.